

四庫全書考證

三



舊




叢書集成

初編

王雲五 主編

商務印書館發行

國家圖書館典藏  
由國家圖書館數位化




四庫全書考證

(三)



王太岳等纂輯



082147  
743  
VB

四庫全書考證卷六

經部

詩序

毛詩注疏

陸氏詩疏廣要

毛詩集解

詩補傳

詩總聞

慈湖詩傳

毛詩講義



四庫全書考證

卷六

一九一

007473

中華民國二十六年

141



007423

詩序 宋朱子辨說

卷上

大序吟詠性情以風其上。原本性情二字互倒。據傳說彙纂改。  
小序北門刺仕不得志也。案仕傳說彙纂作士。

毛詩注疏 漢鄭康成箋

唐陸德明音義 孔穎達疏

卷首

邶鄘衛譜。北踰衡漳。疏。漳水在上黨沾縣大壘谷東北。刊本沾訛沾。壘訛隄。並據許氏說文及水經注改。  
鄭譜。今河南新鄭是也。疏。斬其蓬蒿藜藿而共處之。刊本其訛之。藿訛翟。並據左傳改。  
齊譜。齊者古少皞之世爽鳩氏之墟。疏。昔爽鳩氏始居此地。季荊因之。刊本荊訛蒯。據左傳改。  
秦譜。其封域東至池山。疏。池謂靡池。境界廣被之意。刊本上池字訛地。今改。  
小大雅譜。傳曰文王基之。疏。故中侯曰昌受命。刊本中侯訛申侯。今改。  
周頌譜。頌之形容。疏。祖父太平。刊本太上衍未字。今刪。  
魯頌譜。十九世至僖公。疏。立子開爲閔公。二年卒。刊本二年訛立其。據史記改。

卷一

關雎疏。摯虞流別論云。刊本別訛外。今改。

言告言歸疏。隱二年公羊傳文。刊本二年訛正義。據宋本改。

翹翹錯薪疏。釋草云。購蕎蓂。刊本蕎訛蒿。據爾雅改。

卷二

維鵠有巢箋。車皆百乘。音義。乘。繩證反。刊本證訛乘。今改。

草蟲疏。御枉于輿。刊本枉下衍席字。據士昏禮刪。

有齊季女箋。季女則非禮女也。刊本脫下女字。又祭禮主婦設羹。刊本禮訛事。並據宋本增改。又疏。

孫毓以王爲長。謬矣。刊本王訛主。今改。

江有汜傳。決復入爲汜。音義。復。扶富反。刊據富訛福。據釋文改。

卷三

報我不述箋云。不循。不循禮也。刊本上循字訛述。據宋本改。

不我以歸疏。不與我以告歸期。刊本與訛於。據本注改。

匏有苦葉疏。匏不材於人供濟而已。刊本匏訛葉。據國語改。

並訛軌。據周禮疏改。

又濟盈不濡軌疏。謂軛是軛法也。刊本軛

行道遲遲。箋。違。徘徊也。刊本脫違字。據釋文及疏增。  
在前上處。疏。以在前上處。文無萬舞。刊本脫萬字。今增。  
愛而不見。傳。言志往而行止。刊本止訛正。據宋本改。

卷四

汎彼柏舟。疏。以興婦人在夫家。亦是其常處。刊本常訛堂。據毛本改。  
靈雨旣零。疏。相較甚異。刊本較訛覺。異訛矣。今並改。

卷五

淇澳。疏。武公以其賂賂王。刊本王訛士。據史記改。  
獨寐寤言。箋。長自誓以不忘君之志。刊本志訛惡。據疏改。  
報之以瓊瑤。傳。瓊瑤。美石。刊本石訛玉。據疏及音義改。

卷六

彼黍離離。疏。則二物大時相類。刊本大訛天。今改。  
揚之水。疏。故言周人以別之。刊本別訛列。今改。  
中谷有蕓。疏。今蕓蔚草也。葉似萑。刊本萑訛荏。據爾雅改。  
終遠兄弟。箋。刊本箋訛傳。今改。

卷七

叔于田疏。乃作亂之賊。謂之信美好而又仁者。刊本脫謂字。據毛本補。

青青子衿。音義。學子以青爲衣領。刊本子訛生。據監本改。

縞衣綦巾疏。故言彼服縞衣之男子。刊本彼訛被。據二章疏改。又青黑曰綦。刊本曰訛白。據尙書注改。

卷八

東方明矣疏。其繪本名曰緇。刊本繪訛繪。據儀禮注改。又追師掌王后之首服。刊本師訛思。據周禮改。

不能辰夜疏。凡國事爲期。刊本事訛家。據周禮改。

南山崔崔疏。何爲又使窮極邪意而至乎齊止。刊本乎齊止訛齊乎上。據注改。

敵筭在梁疏。毛以鰈爲大魚。刊本鰈訛緄。據經及傳箋改。

載驅疏。與上互文相通也。刊本互訛古今改。

終日射侯疏。有鵠者無正。刊本脫有鵠二字。據周禮增。

齊國十一篇三十四章。刊本三訛四。今改。

卷九

胡瞻爾庭有縣鶉兮疏。鶉鶉。其雄鶉。牝痺。刊本鶉訛鶉。據爾雅改。

樂土樂土箋。爰曰也。刊本曰訛日。今改。又音義貫古亂反。徐音官。刊本官訛宮。據釋文改。又疏。地官

小司徒及鄉大夫職。刊本鄉訛卿。據周禮改。

卷十

素衣朱襮。疏。知諸侯當服之。中衣者。朝服祭服之裏衣也。刊本中訛也。今改。

卷十一

逝者其蓋。音義。蓋。田節反。刊本田訛由。據釋文改。

遊于北園。疏。乘車之輪崇六尺有六寸。刊本寸訛尺。據考工記改。

方何爲期。箋。何以了。然不來。刊本了。然二字互倒。據疏改。

終南何有。音義。荊州曰梅。揚州曰楫。刊本梅楫二字互訛。據疏改。

卷十二

子仲之子。疏。序云。男女棄業。刊本女訛子。據序改。

知而巳。疏。今定本爲誰昔。刊本今訛合。今改。

乘我乘駒。音義。下乘駒。刊本駒訛驕。今改。

卷十四

其弁伊騏。音義。說文作璫。云。弁飾往往置玉也。刊本置訛冒。據釋文改。

卷十五

四月秀蓂。疏草謂之榮。刊本草訛華。據爾雅改。

亟其乘屋。箋十月定星將中。刊本十訛七。據疏改。

曰殺羔羊。音義曰音越。或人實反。刊本人訛入。據釋文改。

是以有袞衣兮。箋是是東都也。刊本下是字訛以。據宋本改。

卷十六

古蠲爲饅。音義饅尺志反。刊本尺訛尸。據釋文改。

南陔疏。磬南北面立。樂南陔。白華。華黍。刊本脫立字。又磬訛鼓。樂訛歌。並據儀禮增改。又後乃得毛公

傳記。古書義又當然。刊本記訛既今改。

卷十七

蓼蕭疏。州十有二師。刊本十有二互倒。據尚書改。

六月棲棲。疏不讀如跼。刊本跼訛幅。據左傳及周禮注改。

侵鎬及方。疏故劉向曰。刊本訛作故知嚮日。今改。

田車旣好。疏間車軌之裏。刊本間訛闌。軌訛軌。並據注改。又萊芟除可陳之處。刊本萊訛乘。據周禮注

改。又東都非正田之時。刊本東訛本。今改。

卷十八

百堵皆作。疏。何休注。公羊。刊本注。下衍云字。今刪。  
室家君王。箋。宣王所生之子。刊本所訛。將據宋本改。

卷十九

皇父卿士。疏。小宰中大夫。刊本中訛。卿。今改。

成是南箕。疏。舌雖小寬。不足以爲箕。刊本舌訛言。今改。

卷二十

匪我伊蒿。箋。反謂之蒿。刊本反訛。故。今改。

自昔何爲。箋。我將樹黍稷焉。刊本樹訛得。據宋本改。

或剝或亨。傳。或陳于互。或齊其肉。刊本其訛于。並據周禮改。

君婦莫莫。疏。內羞。庶羞。則世婦薦之。刊本世訛主。據宋本改。

南東其畝。疏。與匠人成間有洫同也。刊本成訛井。據周禮改。

卷二十一

頰弁。疏。則此弁爲燕之服。刊本弁訛皮。今改。

先集維霰。疏。陽之專氣爲霰。陰之專氣爲霰。刊本霰霰二字互訛。據大戴禮改。

卷二十二

天步艱難傳。喪人有獄而入之幽王。刊本獄訛獻。據國語改。  
瓠葉箋飲酒而曰嘗者。刊本酒訛食。今改。

卷二十三

文王疏二年伐邗。刊本邗訛邾。據尚書大傳及史記改。又尚書運期授。刊本授訛援。又坤靈圖云。刊本坤訛神。又不應此時方取正室。刊本正訛王。今並改。

本支百世疏。皆得百世相繼。刊本世訛澤。今改。又注引文王初載。刊本文王初載訛作上天之載。據禮記注改。

親迎于渭疏。以明天子當親迎也。刊本當訛常。今改。

燮伐大商疏。大辰晨正而農事起。刊本晨訛農。據宋本改。

以按徂旅疏。以却止徂國之師旅。刊本旅訛氏。今改。

靈臺疏。含神霧曰。刊本霧訛務。今改。

卷二十四

居然生子疏。少洩於豕牢。刊本豕訛家。據國語改。

蓺之荏菽傳。荏菽戎菽也。刊本脫下菽字。據釋文補。  
行葦疏。燕代北鄙。刊本代訛伐。據揚子方言改。

醯醢以薦。箋薦之禮非菹則醯醢也。刊本非訛非。據釋文改。又序賓以賢。傳使子路執弓矢出延射曰。刊本延訛廷。據禮記及毛本改。又疏解四鏃之義。言鏃是參停者也。刊本鏃並訛鏃。據經文及爾雅。周禮揚子方言改。

黃耆台背。疏則老人於是始來。刊本來訛求。據箋改。

其類維何。疏韋昭皆取此箋。刊本章訛孝。今改。

鳧鷖。疏經序倒者。刊本倒訛例。今改。

既燕于宗。疏若然。大宗伯云。刊本然訛無。今改。

于京斯依。箋與羣臣士大夫飲酒以落之。刊本落訛樂。據疏改。

洞酌。疏今呼答註音修。刊本音修二字訛入疏文。今改。又非訓饋爲饌。刊本饌訛饋。據上文改。

似先公會矣。疏成康之間。刑措不用。刊本康訛湯。據尙書改。

矢詩不多。疏春官太師。刊本訛作春秋之師。據毛本改。

戎雖小子。疏重丘人閉門而詢之。刊本詢訛詢。據左傳改。

大宗維翰。箋王之同姓世適子也。刊本世訛之。據疏文改。又疏若言宗人宰人也。刊本若訛君。今改。

### 卷二十五

桑柔。疏畢公入爲司馬是也。刊本入訛亦。據尙書注及毛本改。

雲漢疏距宣公之崩七十六年刊本十訛年據史記改。

奕奕梁山疏宣王平大亂刊本王訛平據毛本改。

率彼淮浦疏故云浦涯也刊本脫涯字據傳補。

昔先王受命箋言有如者刊本者訛昔據宋本改。

卷二十六

清廟疏明非相者肅雝刊本非訛是據宋本改。

維清疏樂記說大武之樂刊本大訛文據下文改。

無競維人箋勤行此道刊本勤行訛其於據疏文改。

時邁疏禪梁甫者七十二家刊本二訛三據史記改。又不言徧羣神也刊本神訛臣據注改。

卷二十七

振鷺疏始封于宋未爲殷後也刊本未訛宋今改。

有瞽疏蓋依漢之大予樂而知之刊本大予訛天子據漢書改。

載見疏祝嘏莫敢易其常嘏刊本脫下嘏字據禮記增。

卷二十八

絲衣疏其令天下立靈星祠刊本其令二字互倒據漢書改。

於皇時周。疏至平原鬲津。刊本津訛盤。據爾雅疏改。又今見在成平東光鬲界中。刊本成訛城。據地里志改。

卷二十九

有驪有魚。音義。毛云。二目白曰魚。刊本二訛一。據爾雅注改。

周公皇祖。疏。歲成王元年正月朔日也。用二特牛。禘祭文武於文王廟。刊本也訛於。用訛周。並據尙書注改。

卷三十

以假以享。箋。假。升也。刊本升訛大。據疏改。

玄鳥。疏。又卽以五月禘。比月大祭。刊本比訛此。據春秋傳改。

何天之龍。疏。則此宜爲榮名。刊本宜訛豈。據箋改。

有震且業。箋。畏君之震。刊本君訛吾。據春秋傳改。

陸氏詩疏廣要 吳陸璣撰 明毛晉廣要

卷上之上

釋草采采耳條。許叔重曰。刊本重訛仲。今改。

子以采蘋條。孔子以童謠決之曰。蘋實。案蘋。家語作萍。又詩緝云。蘋可茹。萍不可茹。郭氏以小萍爲大。蘋誤。按爾雅云。萍萍。郭注。水中浮萍。江東謂之藻。又云。其大者蘋。郭注。詩曰。子以采蘋。是萍小。蘋大。郭注。分別甚明。而此云。郭氏以小萍爲大。蘋誤。蓋未深考耳。

菉竹猗猗條。毛詩云。綠竹猗猗。是也。又云。植物之中。有物曰竹。不剛不柔。非草非木。或茂沙水。或挺巖陸。按植物以下六句。出戴凱之竹譜。毛氏不引書目。殊欠明晰。浸彼苞狼條。孟狼尾。今人呼爲狼茅子。刊本孟訛孟。據爾雅改。南山有臺條。與內司服所謂素沙同意。刊本素訛同。據周禮改。取蕭祭脂條。先鄭以爲蕭。或作茜。刊本作訛用。茜訛茜。並據周禮注疏改。

卷上之下

釋木不流束蒲條。河東聞喜縣東北有董池。刊本脫喜字。據左傳注增。

顏如舜華條。如日及之在條。常雖盡而不悟。刊本盡訛及。悟訛悞。並據文選改。

椒聊之實條。漢李咸欲爭竇后配桓帝。擣椒自隨。刊本桓訛成。據後漢書改。

榛楛濟濟條。使求諸故府。果得之。刊本使訛矢。據國語改。

柞械拔矣條。三蒼說械卽柞也。刊本三訛王。今改。

卷下之上

釋鳥弋鳧與雁條。鴻雁不來。遠人背畔。刊本人訛行。據逸周書改。值其鷺羽條。大貝鼗鼓在西房。刊本房訛傍。據尙書改。

翩翩者雛條。孟夏之日以熟穀禾。刊本孟夏二字互倒。據淮南子改。鶴鳴于九臯條。行必依洲嶼。止不集林木。刊本不訛必。據相鶴經改。鳳凰于飛條。鴝笛、鷓鴣、廣昌、鷓明、鳳凰屬也。刊本脫廣字。據廣雅增。翩彼飛鴉條。傳云桑椹甘甜。鴟鴞革響。案二語出晉張天錫傳。此引目未明。

### 卷下之下

釋獸羔裘豹飾條。陶荅子妻云。南山有玄豹。刊本荅訛谷。據烈士傳改。有熊有羆條。熊屬。足似鹿。刊本能訛然。據說文改。

釋魚象引魚服條。夏官司弓矢職曰。仲冬獻矢服。刊本矢訛人。據周禮改。成是貝錦條。以黃爲質。白爲文點。刊本爲文二字互倒。據下文改。

有鱣有鮪條。周武王伐紂。紂使膠鬲禦鮪水上。刊本複衍武王二字。脫一紂字。今刪增。

釋蟲頰如蟪蟻條。蟪蟻大者如足大指。以背行。乃駛于脚。刊本背訛柳。據埤雅改。

蟋蟀在堂條。易通卦驗曰。蟋蟀之蟲隨陰迎陽。刊本驗訛系。今改。

螟蛉有子條。劉禹錫謹案。蜀本注。按劉禹錫係唐詩人。未嘗注本草。又案宋人掌禹錫曾著本草注。見本

草綱目此作劉誤。

韓詩條授泰山栗豐刊本栗豐訛豐吉據漢書改。

毛詩條商爲之序以授魯人曾申刊本申訛身據序錄改。

毛詩集解 宋李樗黃樞撰

卷一

故詩有六義焉李解以齊其民則民德壹刊本壹訛歸厚矣三字據禮記緇衣改。

卷二

螽斯章李解如關雎摯鳥而比於后妃刊本摯訛鷺據詩傳改。

卷三

采蘋章黃解女子十年不出刊本十下衍五字據禮記及鄭箋刪。

卷四

終風章李解衛定姜衛獻公之嫡母刊本獻訛莊據左傳改。

卷五

施丘章李解不能救陳又不能救蔡物以無親刊本以訛亦據左傳改。

卷七

淇澳章李解竹蕭竹也刊本蕭訛篇據爾雅改

卷八

芄蘭章李解薤丸蘭刊本薤訛薤據爾雅改

河廣章李解康子往焉闔門而與之言刊本闔訛側據國語注改

君子陽陽章黃解晏子之御策駟馬意氣揚揚自得刊本脫之御二字據史記增

卷九

大車章李解所不請於君焚丹書者有如日刊本丹訛其據左傳改

丘中章李解所謂彼留子嗟者亦得陳風所謂子仲之子刊本陳訛谷今改

將仲子章李解不能止其母乃所以害其弟刊本其下衍父字據詩序刪

卷十

清人章李解後漢耿恭為匈奴所圍刊本恭訛公據後漢書改

羔裘章李解言以豹皮為飾也刊本皮訛尾據毛傳改

有女同車章李解又欲妻雋不疑刊本雋訛鯁據漢書改

卷十一

溱洧章李解鄭俗以三月而往溱洧刊本俗訛氏據韓詩外傳改。

卷十二

揚之水章李解師服曰異哉君之名子也刊本之上衍子字據左傳刪。

卷十三

鴛鴦章李解枯魚銜索刊本銜訛御據韓詩外傳改。

卷十四

小戎章李解梁軛軛上勾衡也刊本下軛字訛之又向下勾之刊本勾訛內並據孔疏改。

豈曰無衣章李解鶴有乘軒者刊本者下衍三百人三字據左傳刪。

卷十五

渭陽章李解重耳乃康公之舅也刊本康訛穆據詩傳改。

東門之枌章李解則子仲必是王父之字故以爲氏也刊本氏訛命據孔疏改。

東門之池章李解使周宣王齊桓公楚莊王而無賢妃以爲之配刊本下王字訛公據列女傳改。

東門之楊章李解奔者不禁刊本奔訛昏據周禮改。

卷十六

株林章李解討於少西氏刊本西訛犀據左傳改。

卷十七

七月流火章。納于凌陰。音義力證反。刊本證訛登。據經典釋文改。又李解。火星中而寒退。刊本脫寒字。據左傳增。又晉宮閣名曰華林園。刊本名訛銘。據隋書改。又蔣葵繁露。刊本蔣訛蔭。繁訛繁。據爾雅改。

卷十九

鹿鳴章。黃解。歡然交忻。千載一合。刊本合訛會。據漢書改。

卷二十

魚麗章。李解。然陸元恪乃謂鱔魚之有力而解飛。刊本元恪訛士衡。今改。

卷二十一

彤弓章。李解。晉文公獻楚俘於王。刊本楚字訛在於字下。據左傳改。

卷二十二

沔彼流水章。李解。威烈王崩。齊後往。刊本後訛復。據國策及史記改。

祈父章。李解。天祚明德。有所底止。刊本有訛靡。據左傳改。

卷二十四

十月之交章。家伯維宰。刊本維訛冢。考唐石經及唐國子監注疏本皆作維。鄭康成周禮注疏引此亦作

維宋史趙師民傳引之亦同。今據改。

卷二十五

谷風章李解。陳勝與張耳始居約時。相然信死。案陳勝卽陳涉。史記漢書載與張耳爲刎頸交者。陳餘也。至苟富貴無相忘。乃涉輟耕壟上語。刊本二事牽合誤。

卷二十七

大田章李解。或取一秉秆焉。刊本一訛以。據左傳改。

卷二十九

何草不黃章李解。故以率彼幽草。况行彼周道也。刊本脫率字。據經增。

卷三十二

行葦章李解。保定中。天子以于謹爲三老。刊本謹訛環。據周書改。

卷三十六

常武章李解。鄭祭足帥師。取溫之麥。刊本足訛伯。溫訛成。並據左傳改。

卷三十七

清廟章李解。明不蔽也。清不污也。肅不亂也。刊本蔽訛惑。亂訛慢。據張文潛詩說改。我將我享章李解。含樞紐白招拒。刊本紐訛扭。拒訛炬。據孝經疏及許慎五經異義改。

卷三十八

有警章。李解。周公作象勺。刊本作象勺。訛象勺武。據漢書禮樂志改。  
載見辟王章。李解。鄭氏則以爲思成王之多福。非也。刊本爲思訛思使。據鄭箋改。

卷四十一

闕宮章。李解。君子曰。禮謂先帝而後稷也。案左傳作禮謂其后稷親而先帝也。與此異。

卷四十二

天命玄鳥章。李解。天王使石尙來歸脈。刊本脈訛服。據春秋改。  
殷武章。李解。桷謂之棖。楹謂之柅。刊本謂之並訛之爲。據爾雅改。

詩補傳 宋范處義撰

卷二

彼茁者葭章。邁梁駟之所著。刊本梁訛良。今改。

卷七

東門之墀章。以男女俱不由禮。刊本女訛子。今改。

卷十八

十月之交章。故不曰朔月而曰朔日也。刊本月日二字互訛。今改。

卷二十二

摯仲氏任章。文王之聖生於太任之賢。刊本聖生二字互倒。今改。

卷二十五

闕如虢虎。注呼檻。刊本檻訛檻。據釋文改。

詩總聞 宋王質撰

卷三

桑中章。欲納夏姬而適他國。故盡室行也。原本行訛楚。據左傳改。

卷六

揚之水章。廢太子荼。原本荼訛榮。據左傳改。

卷十

彤弓章。襄王用平禮。原本襄訛威。據左傳及綱目前編改。

卷十二

何人斯章。晉郤至與周劉子爭溫。原本郤至訛魯郤。據左傳改。

卷十四

賓之初筵章。所謂酌數器量皆掌其政令。原本其政令訛。今飲卽據周禮改。

卷十八

韓奕章。昭公適楚。夢襄公祖。襄公適楚。夢周公祖。原本祖俱訛神。又下楚字訛魯。並據左傳改。

慈湖詩傳 宋楊簡撰

卷一

卷耳。我姑酌彼兕觥。傳。觥。姑黃切。原本姑黃訛。如黃據韻補改。

南有樛木。傳。木下曲曰樛。案木。今本鄭箋作本。據此可以正其誤。

南有喬木。傳。蒹葭。蒹蒿也。原本脫葭字。據爾雅增。又帆蒙籠以蓋嶼。萍實出而漂泳。案今本郭璞江賦

作石帆蒙籠以蓋嶼。萍實時出而漂泳。較此本每句多一字。未知楊氏所據何本。

卷二

草蟲。傳。奇音。青色。好在茅草中。原本茅訛毛。據爾雅改。又蕨。江西謂之鼈。案鼈。爾雅從草。今鄭箋本直

作鼈。許謙名物鈔亦兩存之。今仍從爾雅。

羔羊。傳。委蛇者。徐行委曲之狀。相者有曰。鵝行鳴步爲貴人相。鵝鳴行亦委曲。蛇行亦委曲。按釋似近俚。

鄙。

何彼襍矣。案經文襍字。毛詩鄭箋本從衣。朱子集傳從禾。今從毛本。

卷三

擊鼓其堂。傳白虎通。高辛者。道德大信也。原本德下衍之字。據白虎通刪。

匏有苦葉。傳鷺以水反。案鷺從唯字得聲。故音以水反。今集傳本誤作以小反。音夭。當是傳刻之訛。惟此

本所釋。猶屬本音。

谷風。傳隴頭水歌。將頓樓蘭膝。就解郅支裘。勿令如李牧。功多信不售。原本膝訛滕。據韻補改。又韓愈

詩。齋材入市賣。貴者恆難售。豈不畏憔悴。爲功忌中休。原本畏訛久。中訛仲。據韓集改。

泉水。飲餞于坭。案坭字從韓詩。與毛詩作泥字不同。

出自北門。傳荀卿成相篇。門與根叶。原本根訛恨。又賦篇。門與神叶。原本神訛補。又艱槿也。原本槿

訛根。並據韻補改。

北風。其虛其徐。案徐字。毛詩作邪。此本從爾雅。

新臺。傳籛條。口柔也。原本口訛背。據爾雅改。

卷四

柏舟。傳天之爲言神也。原本脫神也二字。據韻補增。又飛龍秋遊上天。高賢愉樂民人。原本愉訛偷。據

唐山夫人房中歌改。

定之方中傳。徑邪賊田政惡傷民。原本徑邪二字互倒。又騷牝龍身日馭三千。原本馭訛取。並據易林改。

相鼠傳。史記引書居南交。南爲正。讀爲作訛。案爲字。今本史記俱作譌。此所引爲字與索隱正同。蓋猶史記古本之舊。

卷五

芄蘭垂帶萃兮。能不我狎。案萃。毛詩作恠。狎。毛詩作甲。此刊皆從韓詩。

有狐綏綏傳。平準書根帶。劉伯莊音蒂。案帶。今本史記作蒂。楊氏所引。蓋猶古本。今仍原文。

卷七

子之還兮傳。鼃采琬琰。和氏出焉。原本鼃采訛垂綏。據上林賦改。又蔓以藻繡。絡以綸連。原本綸訛編。

據西都賦改。

彼汾沮洳傳。其君子儉以能勤。案今本毛詩無子字。蓋猶沿宋時他本之誤。

卷八

椒聊碩大且篤。案碩。今注疏本及朱傳皆作實。欽定詩經傳說彙纂亦作碩。謹仍原文。有杖之杜。傳。漢童謠。游平賣印。自有平。不避高賢及大姓。原字脫謠字。印訛印。避訛璧。並據韻補改。

鵠羽傳毛傳曰行翮也疏云以鳥翮之毛有行列也原本行訛翮據毛傳改  
葛生傳蘇幽州人謂之烏服原本服訛眼據孔疏改

卷九

終南有妃有堂案妃字毛詩鄭箋集傳皆作紀此從崔靈恩集注作妃今仍原本

卷十

鷓鴣傳毛傳曰拮據擻搨也原本搨訛拘據毛傳改  
東山不可畏也案不集傳作亦楊氏從毛詩鄭箋本

卷十一

鹿鳴傳忉愉也案愉字從陸德明釋文所據定本考服虔左傳注亦以爲愉薄也今集傳作愉蓋傳寫之訛

四牡傳騅郭云今鶉鳩原本鶉鶉據爾雅注改

伐木傳上大夫六豆六簋原本六訛八據儀禮改

魚麗傳陸璣疏云鱣一名黃揚今黃頰魚是也案今注疏作一名黃頰魚脫揚今黃三字楊氏所據蓋猶

宋時善本

南山有臺傳周御交戟禁不時原本御訛尉據柏梁詩改

彤弓傳載子例切。秦瑯琊石刻載與意叶。原本意訛旨。據韻補改。  
六月傳。棲。淒也。淒淒有冷意。時有麥秋之寒也。原本脫時有麥秋四字。據樓鑰集增。  
采芑傳。錯。衡。文。衡也。原本脫文字。據毛詩正義增。

車攻傳。班固奕旨。北方之人謂棊爲奕。原本旨訛音。據韻補改。  
吉日傳。說文。嘖。羣口相聚。本亦作夔。原本嘖訛夔。據說文改。  
夜如何其傳。珊瑚琳碧。璵珉璘彬。原本璘訛璠。據西京賦改。

### 卷十二

祈父傳。書曰。若疇圻父。謂司馬恤憂也。案今尙書若疇連上成句。圻父連下成句。此所引本康成原注。蓋古人句讀如此。今仍之。

我行其野傳。言歸斯復。案斯。朱傳作思。楊氏從毛傳。

節南山傳。峨峨璞璞。罔識所屆。原本識訛試。據何晏景福殿賦改。

十月之交。家伯維宰。案維。朱傳作冢。楊氏從毛傳。

浩浩昊天。淪胥以痛。案痛。毛詩作鋪。楊氏從韓詩。

### 卷十三

宛彼鳴鳩。宜狴宜獄。案狴。毛詩作岸。楊氏從韓詩。又傳。鶻鳩。一名鳴鳩。月令云。鳴鳩拂其羽。案一名鳴

鳩句蓋以別有鳴鳩之名。故引月令之文以證之。今本爾雅作一名鶻鶻。誤。楊氏所據。蓋猶宋時善本。又螺贏。土蟲也。似蠶而小。腰。原本蟲訛蠶。據爾雅疏改。

弁彼饗斯。傳左傳晉侯謂伯瑕曰。何謂六物。對曰。歲時日月星辰也。服虔以爲歲星之神也。案歲星之神也。上毛詩正義脫一歲字。可以此本正之。又溔溔衆也。原本衆訛深。據毛傳改。

巷伯傳。翩紕荅切。原本紕荅訛批實。據韻補改。

有饑盜殮。傳熟觀是詩。譏王政墮廢。貴賤無章。而不禮於諸侯之使。使者之屬作是詩也。而衛宏作毛詩序曰。東國困於役而傷於財。譚大夫作是詩。蓋考之未精也。案小序困於役而傷於財。集傳亦主其說。楊氏之說雖本之正義。而於上下文義有未融貫處。

四月維夏。爰其適歸。案爰朱子從家語作奚。楊氏從毛傳。又傳鴻飛戾天。避害于淵。雖有鋒門。不能危身。案鋒門二字。今本焦氏易林亦同。而義不可解。考漢書藝文志有逢門射法。又王褒聖主得賢臣頌。逢門子彎鳥號。注引孫卿子曰。羿逢門善射。據此。則鋒門當爲逢門之訛。蓋宋時易林本已誤矣。又棟。赤棟也。原本棟訛棘。據爾雅改。

卷十四

北山傳左傳昭十三年。我有圃生之杞。原本脫三字。據左傳改增。又今本圃字皆作圃。案圃杞爲韻。自當以圃字爲長。楊氏所引。蓋猶宋時善本。

楚茨傳。礮礮白石不生黍稷。無以供祭。靈祇乏祀。原本礮訛礮。祀訛祝。並據易林改。又陟中壇。卽帝位。原本中訛大。據魏都賦改。又賓既酌。主人主人又自飲酌。賓曰釃。原本上酌字訛釃。據鄭箋改。信彼南山傳。劉劭瑞龍賦。有蜿之龍。來遊郊甸。原本劭訛昭。今改。又伊茲都之函宏。原本函訛幽。據吳

都賦改。

甫田傳。漢書敘傳。宣之四子。淮陽聰敏。舅氏籛條。幾陷大理。原本脫理字。據漢書增。大田有弇淒淒。興雨祁祁。案弇淒。毛詩作滄萋。楊氏從韓詩。祈朱傳作祁。楊氏從毛傳。

### 卷十五

采菽傳。周禮司服。諸公之服。自袞冕而下。原本脫諸字。據周禮補。又紼。紼也。按紼。注疏本作絳。楊氏蓋從爾雅。又葵心向日。如天子心向諸侯。按毛詩曰。葵揆也。本爾雅釋詁。故正義云。揆者。以天子于諸侯。命賜有多少。或以恩。或以功。當須揆度多少。而與之。此云葵心向日。於義未協。

黍苗傳。齊景惑疑。爲孺子牛。原本脫爲字。據易林補。

瓠葉傳。琴高沉水而不濡。原本濡訛滯。據魏都賦改。又曹植瑟瑟歌。願爲中林草。秋隨野火燔。灰滅豈不痛。願與枝葉連。案瑟瑟歌。曹植詩本作飛蓬篇。此所引未詳何本。又灰滅本作麤滅。枝葉本作根莖。亦與此微異。

漸漸之石。毛傳曰。畢濁也。原本濁訛濁。據爾雅改。

卷十六

文王傳。天官小宰。凡祭祀贊裸將之事。原本祀訛禮。據周禮改。

明明在下。亮彼武王。案亮。毛詩作涼。楊氏從韓詩。又傳身。補音尸羊切。荀卿成相篇。天乙湯論舉當身。

讓卞隨舉牟光。道古賢聖。基必張。案荀子成相篇上二句三字爲句。下二句七字爲句。以湯當光。張爲

韻。今補音以身叶王。讀上七字爲句。殊爲舛訛。又原本脫天字。據荀子增。

綿傳。董音謹。原本音訛草。據陸德明釋文改。又董荳粉榆。原本粉訛粉。據禮記改。又春官蕤氏。掌其

燋契。原本蕤訛華。據周禮改。又孔疏云。襄十七年傳。宋人稱臯門之皙。遂謂諸侯有臯門。而左傳乃

曰澤門之皙。非臯門。杜注亦曰澤門。非訛誤也。然則疏謂臯門之皙者。其必記之訛歟。案左傳臯門作

澤門。古臯澤二字通。鶴鳴於九臯。毛傳曰。臯澤也。說文臯字音告。注云。古文以爲澤字。孔疏以澤門爲

臯門。益可證楊氏以疏爲誤者。非。

卷十七

行葦傳。孔疏云。用肉爲醢。特多汁。故以醢醢爲名。案醢醢爲名。今注疏本脫醢字。又通俗文云。案文

今注疏本作又誤。又金鏃剪羽。謂之鏃。原本鏃訛鏃。又江淮之間。謂之鏃。原本鏃訛鏃。并據爾雅

改。又故能內陸九族。外尊事黃者。原本陸訛及。據詩小序改。

抑彼童而角。案角。今毛詩訛覺。

卷十八

天作高山。彼徂矣岐。案徂。朱傳作岨。楊氏從毛傳。

豐年傳。荀勗東西廂。登儻召叟。亦有兄弟。原本召訛台。據晉書樂志改。

予其懲傳。桑飛。即鷓鴣也。又名鷓鴣。原本鷺訛鷺。據爾雅改。

卷十九

駟傳。郭璞云。淺深斑駁隱類。今之連錢驄。案類。爾雅作粼。又作麟。此蓋從毛詩正義。又樊光曰。原本樊

訛裴。又彤白雜毛駟。原本毛訛色。並據爾雅改。

闕宮傳。多補音。一讀章移切。廣雅。祇也。原本祇訛多。據廣雅改。又重弓。重于鬯中也。原本中訛弓。據毛

傳改。

毛詩講義 宋林岵撰

卷一

我思肥泉。注。歸異出同流。曰肥泉。原本脫流字。據爾雅增。

卷二

髤彼兩髦。注。皮弁笄爵弁笄。原本脫上笄字。據士冠禮增。又有笄者。屈組爲紘。無笄者。纓而結其條。原

本纓訛縷注疏本亦誤今據士冠禮注改。

子子干旄注羽者夏翟之羽也有虞氏以爲綏原本綏訛縷據周禮改。

卷三

鷄旣明矣注齊古少昊之世爽鳩氏之墟案此皆本箋疏考國風皆有譜林氏援引齊譜獨詳他皆略今姑仍其舊。

俟我于著乎而注主人升西面賓升北面奠雁原本西面訛西階今改。

盧令令注東郭逶海內狡兔原本郭訛郊據國策改。

敵笥在梁注里革曰里禁鯤鱠原本里訛星又脫魚禁字據魯語增改。

又幽州曰鴉鷂曰胡鱸原本鷄

訛鷄據陸機疏改。

猗嗟昌兮注諸侯四耦二侯樂以狸首孤卿大夫三耦一侯樂以采蘋士三耦豳侯樂以采芣原本皆脫

樂以二字今依孔疏補。

糾糾葛屨注夏葛屨猶明絺綌當暑也原本脫夏葛屨三字據少儀補。

彼汾沮洳注公車主君之軛車庶子爲之原本軛訛路據鄭箋改。

陟彼帖兮注多草木曰帖無曰屺案毛傳本作無曰帖有曰屺此從爾雅。

坎坎伐檀兮注大波爲瀾小波爲淪直波爲徑瀾渙瀾淪蘊淪徑徑也原本涎訛涎據爾雅釋水改。

有杖之杜。注赤棠子澀而酢無味。原本脫子澀無味四字。據爾雅補。  
采苓采芩。注王肅諸本皆以爲僞。案孔疏以爲王肅諸本皆作爲言。唯定本作僞言。與此互異。傳寫訛也。  
小戎。賤收。注革路樊纓以條絲飾之。原本脫樊纓二字。據孔疏增。

卷四

東門之池。注紵亦麻科。生宿根在地中。至春自生。原本自訛曰。又歲再刈。刈便生。原本脫一刈字。並據疏增改。

彼侯人兮。注蹕之制。下廣二尺。上一尺。長三尺。原本脫上一尺長三尺六字。今據孔疏增。

卷五

淇淇露斯。注淇露在彼。豐草。言澤草也。在彼杞棘。又言澤木也。原本草木二字互訛。今據文義改。

六月棲棲。注王曰出征者。以正王國之封畿。原本正訛臣。今改。又徽幟有文。原本徽訛微。據孔疏改。  
我車旣攻。注鄭有圃田。原本圃訛甫。據左傳改。

吉日維戊。注漆水沮水。驅禽而致天子之所。原本脫沮水二字。據疏增。

沔彼流水。注駢彼飛隼。則有時乎率彼中林。是其常也。原本脫是其常也句。據疏增。

祈父。注宣王之時。王師嘗與姜戎戰于千畝。原本姜訛羌。據春秋改。

家伯維宰。案維。今朱傳作家。此從毛傳。

卷六

彼何人斯注有靦面目原本靦訛媿案媿爾雅訓靦非卽靦字今改

有籩簋飧注匕所以載鼎實赤心之木爲之案毛傳言棘赤心解用棘之意未必取赤心爲喻用赤心之

木也林說未確

爰其適歸案箋爰曰也今朱傳本家語作奚其適歸

鼓鐘將將注東爲陽中萬物以生是東方爲笙磬原本脫萬物以生句今據周禮增

楚楚者茨注宰夫羞房中之羞于尸侑主人主婦皆右之原本脫主人主婦皆右之句又司士羞庶羞

于尸侑主人主婦皆左之原本皆左之訛作左右之並據疏增改

信彼南山注鬱合鬯臭陰達于淵泉原本脫合鬯臭陰四字據禮記增

興雨祁祁案漢書及朱傳俱作祈祈毛傳作祁祁誤也今依朱傳

采菽采菽注有虞氏服馘注舜始作之以尊祭服原本脫始作二字據明堂位注增

卷七

綿綿瓜瓞注司徒掌徒役之事召之使立家室之位處原本立訛正據鄭箋改

瞻彼旱麓注毛謂黃金所以流鬯表裏之義也案毛傳本多一飾字陸德明云是後人所加正義云定本

及集注皆有俗本無此本所引亦無飾字今仍原文

皇矣上帝注。周書稱文王在程。爲程寤程典。案程典程寤見汲冢書。程典篇存。程寤已缺。非尙書篇目也。敦彼行葦注。天子敦弓鏃矢。案鏃注疏本作鏃誤。

卷八

韓侯顧之注。毛云。曲顧道義也。原本曲訛猶。據毛傳改。

卷九

猗與漆沮注。積柴養魚曰糝。原本糝訛楷。據正義改。

卷十

駟駟牡馬注。邑外曰郊。郊外曰牧。牧外曰野。野外曰林。林外曰坳。案毛傳作郊外曰野。野外曰林。無牧字。句。孔疏謂嫌與牧馬相涉。故略之。此則本爾雅釋全地文。故與傳異。又黃而微駢曰黃。毛傳作黃駢。曰黃。案此爾雅無文。又赤而微黃曰駢。青而微黑曰駢。毛傳作赤黃曰駢。蒼祺曰駢。此則引孔疏句。又案此二種。爾雅無文。

貝冑朱紱注。以貝飾冑。其甲以朱紱繩綴之。原本紱訛緣。今改。猗與那與注。其曰湯孫者。成湯也。其曰烈祖者。謂湯之祖契。冥。相土之屬也。案此本毛傳與鄭箋異。來假祈祈。案祈。朱傳作祔。此從毛傳。

卷十一

關雎序。關雎。后妃之德也。注。詩之大序。當自詩者志之所之也始。案詩序原本一篇。初無大小序之別。自宋人始強分之。不免割裂。此本雖于注中有大序。當自此始云云。而實未嘗分也。故仍依注疏本文。渭陽序。文公遭麗姬之難。案麗。春秋三傳皆作驪。唯詩序作麗。陸氏釋文。驪麗音義同。

卷十二

常棣序。注。外禦其侮。案侮。毛詩本作務。左傳作侮。此引左傳文。故仍作侮。



四庫全書考證卷七

經部

詩緝

詩地理考

詩傳名物抄

詩傳旁通

詩續緒

詩傳大全

重訂詩經疑問

欽定詩經傳說彙纂

御纂詩義折中

詩經通義

毛詩稽古編



詩傳名物集覽

三家詩拾遺

詩疑辨證

詩序補義

待軒詩記

虞東學詩

韓詩外傳



詩緝 宋嚴粲撰

卷一

關雎之化論注。小序是東海衛敬仲所作。刊本仲訛重。今改。

關關雎鳩注。卽鄴子所謂雎鳩氏司馬也。刊本氏字訛在司馬下。又脫也字。並據左傳改增。

翹翹錯薪注。說文曰。馬二歲曰駒。刊本說訛釋案。經典釋文無此句。今改。

卷二

蔽芾甘棠注。杜赤棠。白者棠。刊本者訛甘。據爾雅改。

羔羊之皮章。謂紵總之數有五。刊本紵總二字互倒。據詩疏改。

江有汜章注。是士有姪娣。刊本姪娣訛娣媵。據詩疏改。

卷三

燕燕于飛章注。生子名完。刊本完訛桓。據詩箋及左傳改。

有瀾濟盈章注。注云范軾前也。刊本注訛祭。據禮記少儀注改。

卷四

旄丘章注。周之制。使伯佐牧。刊本周訛州。據詩箋改。

簡兮三章。章六句。案朱傳作簡兮四章。三章章三句。一章六句。

卷五

定之方中章。注。疑在今東郡界。刊本郡訛都。據詩疏改。  
載馳五章。案朱傳作載馳四章。

卷六

手如柔荑章。注。蟻、蟻、蝥、蝥。刊本蝥訛蠹。據爾雅及詩傳改。

卷七

大車檻檻章。注。皆絺以爲繡。刊本皆絺訛次飾。據周禮注改。

卷八

叔于田章。注。棚。所以覆矢。刊本矢訛冰。據詩傳改。  
清人在彭章。注。夷矛三尋。刊本三訛重。據考工記改。

卷九

俟我於堂乎而章。注。壻乃先歸。刊本歸訛往。據儀禮改。

卷十

碩鼠章。注。關西呼鼯鼠。刊本關西訛關中。據詩疏改。

卷十一

唐注其孫穆侯刊本侯訛叔據詩譜改。

山有栲章注方俗無名此爲栲者刊本俗訛士據詩疏改。

羔裘豹祛章注祛者袂口也刊本袂訛祛據禮記注及詩疏改。

卷十二

小戎賤收章注此兵車之飾刊本飾訛節據詩疏改。

蒹葭蒼蒼章秦雖彊盛勁健必用周禮刊本用周二字互倒據小序改。

卷十三

坎其擊鼓章注羽鷺可以爲翳刊本翳訛鷺據詩傳改。

卷十六

豳注昔我先世后稷刊本世上衍王字據詩疏及國語刪。

卷十七

魚麗于罍章注鱧名鮠刊本鱧訛鯉據爾雅疏改。

卷十八

南山有臺章樂得賢也刊本脫此句據小序增。

田車既好章注以織毛褐布刊本脫毛字據詩疏增

卷十九

鴻鴈于飛章注謂接五堵成一雉刊本接訛按據詩疏改

卷二十

弗躬弗親章注壻之父謂姻刊本父訛婦據爾雅改

黽勉從事章職競由人注職主也刊本職訛競據詩傳改

卷二十二

職勞不來注來勤也刊本勤訛動據詩傳改

鼓鐘將將章注淮水出信陽軍桐柏山至楚州漣水軍入海刊本至訛之據集傳改

卷二十三

既方既臯章注食葉曰臯刊本臯訛特據詩傳改

瞻彼洛矣章注大夫鐔琫而鏐秘刊本鏐訛璆據詩傳改

卷二十四

英英白雲章注露雲氣微刊本脫雲字又微下行言字並據詩疏增刪

卷二十五

迺慰迺止章注。豳又在岐山西北四百里。刊本脫北字。據詩疏增。  
迺立冢土注。以達天地之氣也。刊本脫以達天地四字。據詩疏及禮記增。  
榛楛濟濟注。其葉如著。刊本訛作莖似著。據詩箋及草木疏改。

卷二十六

則百斯男注。郃、雍、曹、滕、畢、原、豐、郇、文之昭也。刊本脫郃雍曹滕四字。據左傳增。

卷二十七

敦弓既堅注。諸侯彤弓。刊本彤訛彫。據詩疏及公羊傳注改。

既醉以酒章注。晉獻公令司正實爵與史蘇云。刊本脫獻字。據國語增。

卷二十八

于橐于囊注。奉一囊粟。刊本奉訛秦。據漢書改。

卷三十

仲山甫出祖注。將行犯軼之祭也。刊本犯訛祀。據詩箋改。

卷三十二

執競章注。無競、競也。刊本脫也字。據詩傳增。

卷三十四

以薺茶蓼注。茶委葉。刊本委訛婁。據詩疏及爾雅改。

卷三十五

有騅有駝。注蒼白雜毛騅。刊本毛訛色。據爾雅改。

夏而樞衡。注設牛角以樞之也。刊本以訛其。據詩傳改。

卷三十六

商頌。注校商之名頌十二篇於周太師。刊本名頌十二訛作詩則得。據詩譜改。

詩地理考 宋王應麟撰

卷一

襴考。在曹州冤句縣北七十里。刊本曹訛譜。據寰宇記改。

洙考。注武乙徙河北。刊本乙訛丁。據史記改。

卷二

鄭考。前莘後河。刊本莘訛華。據國語改。

河之干考。注水北出于薄山。刊本山訛上。又永樂溪水。刊本溪訛漢。並據水經注改。

卷三

四海考。跋踵。刊本跋訛跋。據爾雅注疏改。

甫草考。渠水自河與濟亂流。東逕滎澤。刊本濟訛沛。又脫逕字。並據水經注改增。又春秋不以沙麓繫

晉。刊本脫繫字。今增。

#### 卷四

百蠻追貂考。注。三韓之屬皆貉也。刊本韓訛歸。據後漢書改。

#### 卷五

周頌考。頌之言容。刊本容上行形字。據注疏刪。

常許考。注。皇覽曰。有孟嘗君冢。刊本脫皇覽孟嘗君冢六字。據史記注增。

殷土考。殷是亳地之小別名。刊本脫名字。據注疏增。

韋顧考。親鄣如夏。刊本親訛隣。案高誘注。鄣讀如衣。卽殷國名。謂夏民親殷如夏也。今據改。

#### 卷六

周東都王城考。故三代皆爲都邑。刊本都訛郡。今改。

北至于無棣考。以南臨無棣溝。因以爲名。刊本脫溝字。據郡縣志增。

檜考。董姓。饒夷。象龍。刊本饒訛驥。據國語改。

魯頌考。鄆州鉅野縣。刊本脫野字。據郡縣志增。

命魯郊祭天三望考。魯惠公使宰讓請郊祀之禮於天子。刊本宰訛辛。據呂氏春秋改。

詩集傳名物抄 元許謙撰

卷一

蠡斯篇。蝻。蝻。刊本蝻訛蚣。據爾雅改。

卷二

河廣篇。若終立則不可以往。刊本不訛下。今改。

卷三

鄭風。依疇。歷莘。君之土也。案莘。鄭康成詩譜作華。

卷六

大東篇。至天津下而合南道。刊本脫南道二字。據晉書天文志增。

卷七

靈臺篇。月令則其事也。案事。詩疏作序。

詩傳旁通 元梁益撰

卷二

簡兮章使人相祭。原本脫祭字。據儀禮增。

卷三

芑蘭章。大射正執弓。皆以從于物。小射正坐奠筭于物南。原本弓訛方。下物字訛陽。並據儀禮改。  
載驅章。曾公齊州二堂記。原本脫州字。據元豐類稿增。

卷五

七月流火章。尊兩壺于房間。原本尊兩二字互倒。又壺下脫于字。並據儀禮改增。

卷六

常棣章。白棣似李而小。原本脫似李二字。據爾雅增。

卷七

車攻章。田者大芟草以爲防。原本芟訛艾。據毛詩注疏改。

詩續緒 元劉玉汝撰

卷一

關雎篇注。吳氏補韻以正音爲叶韻。則是以後來之俗音爲古人之正音。豈其然哉。今叶音之叶字。竊謂

當以古字易之。庶幾人知音韻之正。案吳棫補音引據該洽。但屈古就今。有不免乎訾議。劉氏此論頗稱允當。

葛覃篇注首章中谷無韻。合下章中谷以重韻爲韻。此古人用韻之體。後人以重韻爲嫌。非古矣。案劉氏於詩中用韻之處著論。特爲詳細。

卷三

燕燕于飛篇注。今從傳移置此篇於終風後。案劉氏以爲當依朱傳移置終風後。今考集傳雖著此說。而實未嘗移置也。故此亦仍舊本。

卷五

黍離篇注。元城之說。亦詩人之一意。然詩之興有隨所見相因而及。不必同時所真見。如此詩因苗以及穗。因穗以及實。由淺而深。又或因見實而追言苗穗。皆不必同時所真見。如桃夭因花以托興。其時未有葉與實。特因花以及之。案劉氏元城說。見集傳章句下。其論初遇次遇。似太泥。故玉汝論之。叔子田乘乘馬篇。舊本作大叔于田。此從集傳本去大字。

卷六

東方未明篇。不能辰夜。案辰。俗本作晨。此從舊本作辰。

卷七

萬生篇注四五二章言歸無期而不可得見則要死以相從蓋惟出亡則歸無期若據詩詞則未見其必然亦姑從序說歟案鄭箋及集傳皆以爲征役劉氏以詩中有亡此字遂以爲出亡說本無據乃云姑從序說何也

卷八

七月篇蠶月條桑注蠶月或以爲三月今以前采蠶推之則條桑當注二月案蠶月舊說以爲三月王安石以爲可蠶不止一月故不言某月劉氏以爲二月是七月之詩獨無三月矣

卷九

菁莪篇注毛傳以六月爲變雅之首集傳謂楚茨而下十篇疑正雅錯脫在變雅又謂魚藻采菽與楚茨等相類今若從傳移置此十二篇於菁莪之後不惟可復正雅之全而一代之盛治爲可考豈不韙歟案朱子此說雖見於楚茨序下而實未嘗移置也故此亦仍舊本

卷十一

四月維夏篇奚其適歸案奚舊本作爰集傳依家語作奚劉氏皆本集傳故仍作奚

卷十四

皇矣篇以篤於周祜案舊本有於字俗本因孟子引句無於字故亦節去今從舊本文王有聲篇遙求厥寧遙觀厥成注愚謂求觀當屬詩人案求觀輔氏屬文王說劉氏以爲當屬詩人二

說互異。

卷十五

上帝板板篇注。五章傳。謂戒小人。愚謂前後皆戒同列。不應此忽戒小人。案小人在同列。意亦相通。未見傳意之必有分屬也。

价人維藩注。价大也。愚謂价兼介助意。蓋言大德之輔臣也。价人大師以上下言。大邦大宗以內外言。宗子賅价師邦宗。舉親以見疏也。案此說輔氏已言之。劉氏之說往往本之輔氏爲多。

卷十六

奕奕梁山篇。有倬其道。注。道。舊說謂韓侯由此道而來朝。傳不釋。案道字。朱子仍從舊說。別見遺說中。集傳特不明釋耳。非不釋也。

卷十七

清廟篇注。登歌樂章也。上歌。謂堂上歌也。案登歌。上歌。漢制也。劉瑾以爲堂上獨奏登歌之曲也。謂之登歌者。以堂上特歌而名之也。義始明晰。

維清篇注。左傳見舞象箎者。杜預謂是文王之舞。象既爲文王舞。則武舞自當用武詩。維清自當爲文王象舞之詩矣。先儒因是遂謂象有二。有文王之象。文舞也。有武王之象。武舞也。象名一而實二也。案序維清奏象舞。朱子謂詩中無象舞之意。故泛指爲祭文王之詩。蓋以孔疏於詩禮注已自不同而疑之。

也。劉氏之說亦可佐先儒所未備。

烈文篇注。詩不叶韻。句長短不齊者。周頌之體。其間有韻叶句齊者。與商頌相類。其監二代歟。案劉瑾通釋。以此第一句與六七叶。第三與五八十三叶。亦隔互叶韻也。是編專論用韻之法。此獨言詩不叶韻。說似互異。

天作高山篇注。序言祀文王。又言祀先王先公。案天作序只言祀先王先公。無專祀文王之文。劉氏之說似誤。

時邁篇注。傳以執競爲昭王以後所作。則周公制作時。未有執競詩。安得以爲韶夏乎。然則叔玉之說。非朱子所取矣。案朱子初注執競詩。亦從毛傳。後定集傳。始從歐陽修說。以爲昭王以後之詩。而於呂叔玉韋昭之說。三夏仍采其說。而不辨其非。總之其傳已古。無以證其必不然也。

綏萬邦篇注。傳謂春秋傳以此爲大武之六章。今之篇次已失其舊。傳從春秋傳。今亦從集傳。移置於賚。後閔于小子前。案朱傳雖著其說。實未移也。今亦仍其舊。

文王既勤止篇注。此頌文武之功。而詩中不言武王。蓋上推文王。下言我。則武王固在其中矣。案朱公遷以爲當作頌文王之功。諸本王字皆作武字。誤。蓋首句是頌文王之功。其下五句則言今日大封功臣之意。劉氏所據。尙沿舊本。故不免曲爲之說。

卷十八

闕宮篇注竊以爲泮水一詩魯人頌孝公之詩歟。案劉氏此說蓋據史記魯世家事若有與泮水詩合者亦可備一說。

詩傳大全 明胡廣等撰

卷二

威儀棣棣注故形于外者皆善而不可揀也。刊本揀訛陳今改。

土國城漕注非不勞苦而猶處於境內。刊本猶訛獨今改。

公言錫爵集注卽儀禮燕飲而獻工之禮也。刊本工訛公據儀禮改。

卷三

河廣章自共姜至於襄公母之六人焉。刊本襄訛宣今改。

卷四

王風爲時會諸侯之所。刊本時刊朝據集傳改。

鄭風又得虢檜之地。注武公取虢檜。刊本公訛王今改。

卷五

東方未晞注言露在朝旦未見日氣。刊本未見訛木言據正義改。

甫田三章注。豐城朱氏曰。刊本豐訛曹。今改。

卷六

山有栲。注。二月中開花如練。刊本如練訛作棟。據陸璣疏改。

卷八

我徂東山章。枚如箸銜之有繯。注。又音畫。徽也。刊本徽訛微。今改。

重訂詩經疑問 明姚舜牧撰

卷一

羔羊章。羔羊。鵠巢之功致也。刊本羊訛裘。據詩序改。

卷二

有兔爰爰章。桓王失信。諸侯背叛。刊本背訛皆。據詩序改。

卷五

斯干章。歌于斯。哭于斯。刊本歌訛生。據檀弓改。

繁霜章。李義山詩云。可憐夜半虛前席。不問蒼生問鬼神。刊本山訛府。據全唐詩改。

卷七

間關章凡有德之動履可徵於車馬之間。刊本徵訛懲。今改。

卷十一

時邁章。昭我周王。天休震動。刊本周訛國。又歸馬放牛。刊本放訛牧。並據尙書改。

欽定詩經傳說彙纂

卷首上

七月流火圖。五月昏中。十一月旦中。考服虔朱子俱云六月昏中。十二月旦中。圖說內孔穎達之說亦同。此圖未知所本。姑仍其舊。

豳公七月風化圖。注詩中載一歲事。獨缺三月。刊本三訛二。今改。十圖拾注。著於左臂。以遂弦者也。刊本臂訛指。據朱子集傳改。

卷一

行露章集說。以行人之多露。喻貞女之畏禮。刊本以訛似。據孔疏改。

卷七

小戎章集說。陰鞞也。案朱傳陰以木板爲之。鞞以皮爲之。徐氏以陰鞞爲一物。誤。

卷八

東門之粉章南方之原集說歐陽以爲南方原野則其說爲簡徑刊本徑訛勁今改

卷十二

正月章天天是椽案毛傳以天爲君鄭箋以爲天之薦瘞訓雖稍異而上字作天下字作天則同朱傳亦從之惟後漢書蔡邕傳釋誨有速速方穀天天是加之文李賢注引詩小雅云天天是椽又云韓詩亦同王應麟詩考據爲韓詩經文異同之一證考孔穎達正義謂齊韓之徒以詩經爲章句與毛傳異非有壁中舊本可據而劉敞後漢書刊誤於蔡邕傳天天下注云案上天當作天據今詩文正此唐宋諸儒於詩義皆不從韓說今自當仍以毛詩爲正

御纂詩義折中

卷五

叔于田注國人愛之故作此詩刊本此訛比今改  
左旋右抽注左後軍右前軍也刊本左訛在今改  
洵直且侯注亦如裘之直且侯也刊本侯訛俟今改  
子衿章序刺學校廢也刊本衿訛矜今改

卷八

防有鵲巢注。茗生于下隰。刊本隰訛濕。今改。

卷十二

謂山蓋卑注。言不西歸而卽安于東者。刊本言訛亦。今改。

卷十三

山有薺薇注。棖。赤棟。刊本棟訛棘。據爾雅及經典釋文改。

卷十四

瞻彼洛矣注。鞞。刀下飾云云。案小雅毛傳及釋文。漢書王莽傳注。說文。以琫爲上飾。琕爲下飾。大雅毛傳。以琫爲上飾。鞞爲下飾。左傳注及藝文類聚。太平御覽。以鞞爲上飾。琫爲下飾。皆與此互異。

卷十五

頰弁序。年旣耆艾。刊本年訛午。今改。

卷十六

思齊注。此歌詠文王之德而推本於父母也。刊本父訛文。今改。  
作之屏之注。言岐周之地。刊本岐訛次。今改。

卷十七

民勞序。必至繾綣而無良。刊本繾訛謹。今改。

卷十九

噫嘻序。三卜郊不從。刊本三訛四。據春秋改。又今旣耕而卜郊。刊本脫郊字。據左傳增。  
於皇武王序。姚舜牧曰。刊本舜訛舞。今改。

卷二十

泰山巖巖。注十月敗莒師于鄆。刊本鄆訛郕。據春秋改。

閼宮九章。章十七句。案第四章止十六句。朱子集傳云四章內脫一句。故并言十七句。附識于此。  
玄鳥序。夏帝芒三十三年。刊本芒訛范。據竹書紀年改。又其子微興師滅有易。刊本微訛徵。據史記殷本紀及竹書紀年改。

詩經通義 吳江朱鶴齡撰

卷一

采芣苢。傳馬鳥。刊本鳥訛寫。據爾雅改。

卷三

猗嗟章義。其得立也。蓋齊襄爲之援也。刊本立訛力。今改。

卷四

河水清且淪猗。注。小波爲淪。刊本淪訛輪。據爾雅改。

卷五

鷓鴣章。鬻。注。育同。刊本育訛音。今改。

卷七

不慙遺一老。注。魚斬反。刊本斬訛斬。今改。

卷八

思我小怨。注。當作于隈切。音威。與嵬萎叶。刊本萎訛姜。今改。

卷十

雲漢章序。仍叔美宣王也。注。仍。氏叔。字周大夫。刊本氏字二字互訛。周訛用。今並改。  
鉤膺濯濯。注。巾車。刊本巾訛申。據周禮改。

毛詩稽古編 國朝陳啓源撰

卷一

免置條。何謂害義。原本害訛合。今改。

卷七

黻衣繡裳條。又案亞古弗字。原本亞訛詎。據漢書注改。

卷十一

車攻條。五章又云。既會同而田獵。原本脫會同二字。據朱子集傳增。

卷二十二

王命傅御條。豈家臣可勝其任哉。原本脫臣字。今增。

卷二十三

不吳不敖條。吳。姓也。郡也。原本姓下脫也字。據說文增。

卷二十七

紫陽協詩條。旭。旭。橋也。原本橋訛憶。據爾雅改。

詩傳名物集覽 庶吉士陳大章撰

卷一

鳥部。雝。雝。鳴鴈條。曹伯陽好田弋。刊本陽訛賜。據左傳改。

卷四

獸部。躍。躍。兔免條。東郭旣者。海內之狡兔也。刊本旣訛遂。據國策改。

毋教。孫升木條。猿獼狙以爲雌。刊本雌訛雄。據莊子改。

卷六

鱗介部。魴魚。鰓尾條。東方有比目魚。刊本東方二字互倒。據爾雅改。  
象引魚服條。可爲弓韃矢服也。刊本韃訛韃。今改。

卷十二

木部。顏如舜華條。成公綏云。刊本綏訛緩。今改。  
隰有榆條。稽康曰。榆令人瞑。刊本脫曰字。今增。

三家詩拾遺 柳州府知府范家相撰

卷二

古逸詩程首篇。則燕則譽。原本燕訛譽。據大戴記改。

卷三

國風兔置章。施于中逵。八達謂之崇期。原本崇訛旁。據爾雅改。

卷四

載馳章。生文公齊子。宋桓夫人。許穆夫人。原本齊訛壽。據左傳改。

卷五

子衿章。子寧不嗣音。言不會寄問也。原本寄訛審。據毛詩疏改。

卷十

商頌玄鳥章。注。史記三代世表褚先生述詩傳。原本世訛年。今改。

詩疑辨證 上海黃中松撰

卷一

葛覃篇。鄭箋首章之失注。搏黍飛集。與女有嫁於君子之道。原本搏訛搏。案釋文搏。徒端反。今改。  
黃鳥條。爾雅又有倉庚商庚。鷺黃楚雀。倉庚鷺黃之文。原本鷺訛鷺。據爾雅改。  
采蘋篇二。其次爲慈母。其次爲保母。原本母並訛女。據禮記改。

卷二

王風黍稷條。以稷名壇。注。說文云。稷。齋也。原本齋訛齋。據說文改。  
風雨篇。世人無常。而徐公有常。原本公訛人。據魏志改。

卷三

夏屋條。首。首。首。長。闌。干。原本闌訛蘭。據唐詩紀事改。

豳詩分風雅頌一周書世俘篇有明明崇禹生開三詩名原本脫俘字生開二字互倒據周書世俘篇改

卷四

旄旌旗條朱子旣以旄爲前朱雀原本旄訛旗據詩傳改

卷五

維師尙父條以漁釣奸周原本漁訛魚奸訛干據史記改  
于橐于囊條孫奕示兒編原本奕訛炎據示兒編改

詩序補義 石泉知縣姜炳章撰

卷一

故詩有六義焉條詩之六體隨篇求之有兼備者有偏得一二者原本一二訛其所據十一經問對改

卷三

旄丘條鳥少美長醜爲鷓鴣原本美訛好鷓訛鷓據爾雅改

卷五

淇澳條王芻今呼爲鷓脚莎原本鷓訛白據爾雅改 又篇蓄郭注云此作竹字同音異原本同異二字互訛案篇竹與竹箭之竹其字同也而篇竹之竹音畜其音異也今改

卷十六

斯千條。君子將營宮室。宗廟爲先。原本宗訛寢。據禮記改。

卷十八

楚茨條。腥肆爛臠祭。原本爛訛爛。據禮記改。

卷十九

鴛鴦條。追述親迎盛禮。以見嫡非妾所得加。原本嫡非二字互倒。今改。

待軒詩記 明張次仲撰

卷一

離離鳴鴈。注。六禮惟納徵用幣。原本納訛初。據儀禮改。

卷二

副笄六珈。注。毛傳謂編髮爲之。原本傳訛詩。案此係毛氏傳文。今改。

有女同車。序。刺忽也。注。亦待大國之助乎。原本助訛功。據胡安國春秋傳改。

卷四

田車旣好。注。田者大芟草以爲防。原本脫大字。據毛傳增。又聲則不得入。原本聲訛擊。據穀梁傳及毛

傳改。

卷八

思文序。后稷配天也。注自外至者。無主不止也。原本止訛至。據公羊傳改。

虞東學詩 宗人府主事顧鎮撰

卷二

綠兮衣兮章。鄭箋改綠爲緣。不可從。刊本緣訛祿。據注疏改。

卷三

揚之水章。申在南陽宛北謝山之下。刊本謝訛序。據潛丘劄記改。

卷五

兼葭蒼蒼章。荻之初生曰莢。一曰蘆。一曰雛。刊本雛訛雛。據爾雅注改。

卷六

呦呦鹿鳴章。小臣左何瑟。刊本何訛向。據儀禮改。

卷七

正月繁霜章。褒氏入宮見寵。而伯陽甫歎之。刊本缺伯字。據史記補。

卷十一

有來雝雝章。陸農師以春夏爲審諦之時。刊本師訛司。今改。

韓詩外傳 漢韓嬰撰

卷二

魯監門之女嬰段。由是觀之。禍與福相反也。反疑當作及。

卷三

武王伐紂段。使各度其宅。而佃其田。無獲新舊。獲疑當作或。

傳曰。子路盛服以見孔子段。今汝衣服其盛。顏色充滿。其疑當作甚。


卷四

夫當世之愚段。隩要之間。衽席之上。要疑當作突。

卷五

君者民之源也段。欲附下一民。則莫若及之政。及疑當作反。

孔子學鼓琴於師襄子段。默然而思。戚然而悵。他本思作異。戚作幾。悵作長。疑並訛。當作黝然黑。頎然而長。



卷十

扁鵲過虢侯段爲先軒之竈。八拭之陽。陽疑當作湯。

天子有爭臣七人。段言文王咨嗟。痛殷商無輔弼諫諍之臣。文刊本訛大。今改。  
楚莊王將興師伐晉。段君今知貪彼之土而樂其士卒。此下當有缺文。



四庫全書考證卷八

經部

周禮注疏

周官新義



四庫全書考證

卷八

二五七



周禮注疏 漢鄭氏注唐賈公彥疏

正義序

黃帝受命有雲瑞。故以雲紀事。刊本雲瑞訛瑞雲。據明監本改。

鄭氏注下疏

注者於經之下自注己意。使經義可申。刊本義訛意。據明監本、毛本改。

卷一天官

辨方正位注下疏。卽得景爲規識之。刊本卽訛既。據明監本、毛本改。  
乃立天官冢宰注。宰主也。刊本宰訛掌。據經典釋文改。

胥十有二人注下疏。引易歸妹六三以須。刊本三訛二。據周易改。

宮正疏。自內宰至屨人。刊本屨訛履。據經改。

掌次注。次自修正之處。案明監本、毛本、正俱作止。

闈人注下疏。晨時啟門。則論語謂之晨人也。案何晏論語集解及後漢書注引論語鄭注本。晨人皆作晨門。

內司服疏。以其掌后以下六服。刊本六訛大。據後內司服職文改。

卷二

以八統詔王馭萬民疏。六曰尊貴者。刊本貴訛賢。據經改。

飭化八材注。象曰磋。案經典釋文。磋作瑳。

九穀注。九穀無秣大麥而有梁苽。音義。苽。音孤。刊本孤訛瓜。據經典釋文改。

以九式均節財用疏。二曰賓客之式者。謂若上公饗籩九牢。殮五牢。五積之類。刊本脫殮五牢三字。據明

監本。毛本及秋官掌客職增。

以九貢致邦國之用注。下疏。材質。樛榦。栝柏。篠簜也。刊本榦訛餘。據注改。

八曰旂。貢注。下疏。旂讀如囿游之游。刊本如訛爲。據注改。

設其參。音義。參。七南反。干云。三公也。刊本公訛分。據經典釋文改。

陳其殷注。下疏。次國之士爲後行。上士當大國之中士。中士當大國之下士。刊本脫爲後行至之下士十

九字。據明監本。毛本增。

凡治以典待邦國之治疏。官成在八法治官府中。今特出之者。刊本出訛見。據上文及毛本改。

祀五帝注。下疏。未祭前引之者。欲見祭前誓戒。刊本誓訛示。據注及毛本改。

卷三

以官府之八成經邦治注。下疏。吳人令服兵擐甲。刊本令下衍曰字。服訛伏。脫擐字。據國語刪改增。

七事者令百官府共其財用注下疏引卿大夫國中貴者賢者服公事者老者疾者刊本脫賢者二字又服公事者四字訛在疾者下據上注增改。

宰夫之職掌治朝之法疏南面東上大僕大右刊本脫下四字據司士職增。

歲終則令羣吏正歲會注下疏少牢云旬有一日刊本少牢訛小宰據明監本毛本及儀禮改。

#### 卷四

羞用百有二十品刊本脫有字據疏及毛本增。

膳用六牲注下疏漬取牛羊肉案內則無羊字此訛衍。

以樂侑食注禮飲食必祭示有所先案經典釋文作示有先也。

庖人六禽注下疏下文禽獻之內刊本獻訛獸據後經改。

賓客之禽獻疏云賓客之禽獻者刊本獻訛獸據本文改。

凡用禽獻注下疏金爲言犬亦言屬金以上下文義推之屬字上當有故字疑傳寫脫。

膳禽注下疏上膳夫職所掌者是其正此禽獻者是其加刊本獻訛獸據上節經文及本節注改。

凡掌共羞脩刑臙胖注刑剗羹也音義剗音刑刊本此句訛在下臙直輒反又之涉反下今據注文先後

及經典釋文改。

祭祀共臙羸蜺注蟲舍蜺蜺音義蜺字林允絹反刊本絹訛緝據明監本毛本及經典釋文改。

凡祭祀共豆脯音義豆音羞案經典釋文此下有出注二字疑此脫  
臙胖音義胖杜音版刊本版訛版據經典釋文改

卷五

調以滑甘疏通利往來刊本利訛和據毛本及後瘍醫注改

以五氣養之注下疏用此五穀養之刊本養訛食據經文及明監本毛本改

然後藥之養之注下疏故云亦先攻而後養之也刊本復衍故字今刪

春始治鑑注下疏月令仲春云獻羔而開冰刊本春訛夏據禮記月令改

朝事之籩注鮑者於樞室中糗幹之音義樞皮逼反本又作偁刊本偁訛樞據經典釋文改

朝事之籩其實麩蕒注蕒泉實也疏注謂若圓曰箒刊本箒訛箒據毛本及明聞人詮校本改

饋食之籩乾蓀音義蓀音老刊本蓀訛橐據經及經典釋文改

加籩之實淩芡音義芡音儉刊本儉訛險據經典釋文改

卷六

醢人掌四豆之實注雜以梁麴及鹽刊本梁訛梁據明監本毛本改

昌本麩醢刊本麩訛糜據經及明監本改

文織音義織音志一音如字劉音至刊本作一音至又如字據經典釋文改

以九貢之灋致邦國之財用疏。謂口率出泉。刊本泉訛錢。據明監本改。

卷七

三歲則大計羣吏之治以知民之財器械之數。據疏引此句。財下有用字。疑此傳寫脫。  
大祭祀喪紀之事疏。喪紀設門燎。蹕宮門廟門者。刊本紀訛祀。據經改。  
寺人掌王之內人及女宮之戒令注下疏。謂男女沒入在宮爲嬪者也。案男字訛。疑當作婢。  
執褻器以從遺軍注。褻器振飾頽沐之器。刊本飾訛節。據疏及毛本改。  
九嬪掌婦學之法注下疏。媵之言媚也。刊本媵訛婉。據內則注及明監本。毛本改。

卷八

洧陳女宮之具疏。案春官世婦宮卿云。刊本宮訛官。據世婦職疏改。  
女功之事齋注下疏。齋以齊次爲聲。從貝變易。則兩字俱得。刊本字訛字。今改。  
典泉注。草葛藟之屬。音義藟。苦迴反。刊本苦訛若。據經典釋文改。  
染人注。凡染當及盛暑熱潤。刊本凡訛石。據鍾氏職疏引此注改。

卷九地官

縣師注下疏。四百里曰縣。五百里曰都。刊本二里字並脫。據上下文義增。  
賈師疏。凡國之賣債。刊本債訛價。據賈師職及明監本改。

廩人注。藏米曰廩。案經典釋文藏作盛。

卷十

辨其山林川澤丘陵墳衍原隰之名物注。高平曰原。音義原本又作遼。刊本遼訛遼。據經典釋文改。

三曰聯兄弟。音義一本作聚兄弟。刊本聚訛娶。據經典釋文及明監本。毛本改。

五比爲閭使之相受注。下疏。與此閭內自相容受不同。刊本自訛有。據明監本及毛本改。

八曰斂材疏。此八月斂材已上與大宰同。刊本材訛財。下九曰生材句。亦訛。據經及明監本。毛本改。

二曰六行孝友睦婣任恤。音義。婣音因。刊本婣訛姻。今改。

祀五帝疏。卽大司徒奉牛牲。刊本卽訛旣。據明監本及毛本改。

大賓客令野修道委積疏。大司徒令遣人於野路之上修治道塗。刊本遣訛積。據注及明監本改。

卷十一

凡經土地而井牧其田野注。井有九夫。二千三百四井。爲二萬七百三十六夫。刊本二萬訛一萬。據疏改。

族共喪器注。喪器者。夷盤。素俎。楛豆。音義。楛苦瞎反。刊本楛訛楛。據明監本及經典釋文改。

老者疾者皆含注。疾者。謂若今癘不可事者。刊本癘訛廢。據毛本改。

皆征之疏。云皆征之者。及口率出泉。刊本泉訛錢。今改。

獻賢能之書于王注。當詔王爵祿之。刊本之下衍時字。據宋本刪。

卷十二

春秋祭禘亦如之注下疏。鄭知禘謂雩禘水旱之神者。刊本上禘字訛祭。據注改。凡事掌其比饋撻罰之事注。其爵以兕角爲之。刊本脫以字。據疏及毛本增。鼗鼓注下疏。大鼓謂之鼗。是訓鼗爲大。刊本鼗訛鼓。據明聞人詮校本改。凡祭祀百物之神疏。上文神祀社祭鬼享文內。不及小神。刊本內訛局。據文義改。凡陽祀用騂牲注。騂牲赤色。刊本訛色赤。據疏及校宋本改。與其盆簠音義。籩音老。刊本老訛寮。據經典釋文改。展牲則告牲注下疏。始付充人。刊本付訛附。據明監本改。碩牲則贊注。君牽牲入將致之。刊本牽訛率。據疏改。

卷十三

稍縣注于三分所去六而存一。音義去。起呂反。徐方二反。刊本方訛力。據明監本及經典釋文改。唯其棗林之征二十而五。刊本棗作漆。據宋本及經典釋文改。國宅注。周稅輕近而重遠。刊本周訛國。據疏及玉海引此注改。棗林音義。劉本作棗。字之變也。刊本棗訛棗。據經典釋文改。征稅注下疏。美薄之收不通相倍蓰而上中下也。刊本蓰訛從。據明聞人詮校本改。

三年大比則大均注。有年無年。大平計之。案大平卽大均之義。刊本大訛太。據經改。

卷十四

凡嫁子娶妻疏。凡嫁子娶妻含尊卑。刊本含訛舍。據明監本改。

純帛注下疏。此純帛及祭統蠶事以爲純服。案此引祭統王后蠶于北郊以供純服文。刊本及訛改。統訛

義。今改。

以量度成賈而徵價注。物有定賈。刊本賈訛價。據經典釋文改。又音義。聶氏及沈云。成賈。定賈。奠賈。物

賈。其賈。平賈。大賈。小賈。賈賤。恒賈。而賈。故賈。凡十二音嫁。刊本定字奠字互訛。平賈脫賈字。據經典釋

文改增。又奠賈而賈。此及經典釋文俱脫賈字。據後經注增。

量度注下疏。其實一侖。合侖爲合。刊本侖俱訛籥。據漢書改。

卷十五

凡四方之賓客。敏關注。敏關。猶謁關人也。刊本敏作叩。據經注改。

敏關注下疏。候不出疆。刊本候訛候。據國語改。

道路用旌節注下疏。其民出入皆授旌節。刊本授訛受。據明聞人詮校本改。

遂人掌邦之野注。此野謂甸稍縣都。原本謂作爲。據疏及明聞人詮校本改。

以土地之圖經田野造縣鄙形體之灋注。經形體。皆謂制分界也。刊本謂作爲。據疏及明聞人詮校本改。

大喪及窆抱曆。刊本曆訛磨。注音義。疏俱訛。並考字書改。  
大喪注。行至壙乃說。音義說。始銳反。刊本始訛如。據經典釋文改。

卷十六

稍人掌令丘乘之政令。音義。甸并爲甸。刊本并訛并。據經典釋文改。

輕與用犬。刊本與訛與。音義。疏並訛。據經典釋文改。

赤緹用羊。音義。緹音低。李它奚反。刊本低訛抵。它訛宅。據經典釋文改。

鹹馮用貍。注。貍也。音義。貍它官反。刊本它訛宅。據經典釋文改。

若祭山林則爲主而修除。注。修除治道路場壇。疏。注。場謂壇。刊本壇訛禪。據明監本改。

喪紀共其葦蒲之事。注。下疏。卽芟剪不納者是也。刊本芟訛芟。據別本及禮記改。

掌屨注。下疏。成公二年。宋文公卒。始厚葬。刊本二年訛之時。據左傳及明聞人詮校本改。

祭祀共屨器之屨。注。天王使石尙來歸賑。刊本賑訛屨。下賑之器賑字亦訛。據春秋及大宗伯注改。

牧百獸。注。至于狐狸。鼻鶴備焉。音義。鶴戶各反。刊本戶訛尸。據經典釋文改。

卷十七 春官

惟王建國。注。下疏。春秋禘于太廟。躋僖公。音義。躋本又作躋。刊本躋訛躋。據經典釋文改。

典祀疏。掌其政令。刊本政訛禁。據後典祀職改。

外宗注下疏釋曰鄭知外女是王諸姑姊妹之女者刊本上女字訛宗據經注改

大師眡瞭注下疏虎視眡眡刊本眡訛眡據易經改

大師小師刊本小訛少下同據經改

簪人刊本簪訛簪疏並訛今改

眡祲音義祲子鳩反刊本鳩訛鳩據經典釋文改

甸祝疏掌四時之田表貉之祝據甸祝職文作表貉之祝號此脫號字

卷十八

日月星辰注下疏天生大列極爲中宮大極星案史記天官書大極作天極

以血祭祭社稷注下疏故湯遷柱而以周棄代之刊本柱訛社據明聞人詮校本改

以狸沈祭山林川澤注下疏宗祝亦執勺以先之刊本勺訛爵據玉人注改

冬見曰遇注下疏欲其若不期而偶至刊本偶訛俱據注改

時見曰會注王將有征討之事刊本討訛伐據注改

以軍禮同邦國注下疏朱干設錫之類刊本錫訛錫據禮記郊特牲改

朝覲會同注下疏云相詔王禮也者刊本云訛爲據明監本改

國有大故則旅上帝注下疏祀帝于郊而風雨節寒暑時刊本風雨下脫節字據禮記禮器增

卷十九

毛六牲注下疏。先鄭云。司徒主牛已下。刊本主訛奉。據注改。

辨六尊之名物以待祭祀賓客注下疏。故鄭亦略而不言。各本故訛先。今改。

若國大貞疏。凡國大貞卜大封之等。刊本封訛遷。據注及大卜職文改。

凡祭祀賓客以時將瓚裸疏。凡祭祀贊王幣爵之事。刊本王訛玉。據小宰職文改。

瓚裸注下疏。是以祭統云。刊本統訛義。據禮記改。

大裁注下疏。女巫職云。凡邦之大裁。刊本邦訛郊。據女巫職文改。

以柎鬯。音義。泚。杜音泚。亡忍反。刊本忍訛恐。據經典釋文改。

甫竊注。竊。聲如腐脔之脔。刊本下脔字作臍。據經典釋文改。

成葬注下疏。故經設喪祭在成葬之上也。刊本經設訛設經。據文義改。

及其祈珥。音義。祈。巨旣反。或巨依反。刊本及釋文巨訛旦。監本訛區。依字音改。

築鬻注下疏。築。鬱。白以椽。杵以梧。刊本椽訛掬。據禮記雜記改。

掌兆注。兆。壇。塋。域。案小宗伯注。塋。作營。

且授之杖注下疏。士爲天子服。刊本及監本。毛本。俱脫士字。據注增。

獮之日。涖卜來歲之戒注下疏。秋教治兵之日。故於是戒不虞也。刊本也訛世。今改。

凡禋事用概注下疏。禋當爲狸。刊本及釋文狸俱訛埋。據宋本及大宗伯文改。

卷二十

司尊彝與其實注。實鬱及醴齊之屬。音義齊。才計反。刊本才訛丁。據經典釋文改。

朝享注下疏。朝享謂朝受政于廟者。刊本謂訛爲。據注及毛本改。

盎齊況酌注。況酌者。挽飾勺而酌也。刊本挽訛稅。飾訛拭。據經典釋文改。

挽字音義。挽舒銳反。刊本挽訛稅。舒字上衍飾字。據經典釋文刪改。

凡六彝六尊之酌疏。上不言罍者。亦是文不具也。刊本不言訛作言不。據文義改。

司几筵掌五几注。五几左右玉彫彤漆素。刊本漆訛膝。據後經文及毛本改。

穀圭以和難以聘女注。晉侯使段嘉平戎于王。案段左傳作瑕。刊本訛作段。考段字音徒玩反。與瑕異。據

經典釋文改。

大喪共飯玉疏。諸侯飯用梁。天子之士飯用梁。刊本二梁字俱訛梁。今改。

卷二十一

及其出封皆加一等注下疏。其義已備宗伯職也。刊本其訛則。據明聞人詮校本改。

視小國之君注下疏。擯將幣。裸酢饗食之數。案大行人擯下有者字。此脫。

王之吉服注下疏。謂刺繪爲繡次。刊本繪訛繪。今改。

吉服注下疏。謂交龍爲旂。刊本交訛蛟。據司常職文改。

凡弔事弁經服注下疏。但五服之經。總經最小。刊本五訛無。今改。

錫衰總衰注下疏。喪服傳文。其疑衰無文。刊本其字下衍總衰二字。據注及上下文義刪。

大札大荒大裁素服注下疏。彼衣布。謂常服。此素服。謂祈禱。刊本脫此素服三字。各本俱脫。據文義及下

節釋齊服素端增。

公之服疏。今以次轉相如。刊本如訛於。據經及後疏改。

玄端素端注下疏。衣袂二尺二寸。喪服記文。刊本文訛云。今改。

薦加豆籩注下疏。卽醢人籩人加豆加籩之實是也。刊本之訛加。據醢人籩人職文改。

以爵等爲丘封之度。與其樹數注下疏。庶人不封不樹。刊本封訛墳。據王制改。

及葬言鸞車象人注下疏。孔子謂爲芻靈者善。刊本爲訛其。據疏及檀弓改。

掌其度數注下疏。云度數爵等之大小者。刊本爵等訛等爵。據注改。

卷二十二

大司樂凡有道者有德者使教焉注。若舜命夔典樂。教育子。案育字。經典釋文音胃。疑鄭氏所據尙書本異。

以樂舞教國子注。堯能殫均刑法以儀民。音義殫。待戰反。案經典釋文待作時。

大夏疏二十舞大夏卽此六舞也刊本六訛大據明監本改。

凡樂疏六成復綴以崇刊本崇字下衍天子二字據明監本及禮記樂記刪。又注下疏三者恒相埒刊

本埒訛將據明閩人詮校本改。又冬有星孛於大辰刊本星訛心據左傳改。又人宮所生大呂爲

角刊本人訛天據注改。

大射令奏騶虞音義騶側留反刊本側訛則據經典釋文改。

卷二十三

行以肆夏注下疏九夏皆歌之大者刊本歌作詩據鍾師注改。

凡樂成則告備注下疏又引燕禮者刊本引訛云據明閩人詮校本改。

詔來瞽臯舞注呼擊鼓者刊本擊訛繫據文義改。

凡喪陳樂器疏等笙備而不和刊本等笙訛笙等據禮記檀弓改。

展樂器注下疏樂器謂鼓鐘笙磬柷敔之等刊本柷訛祝據小師職文改。

小師掌教鼓鼗柷敔壎簫管弦歌注壎六空管如篪六空刊本二空字俱訛孔據經典釋文及音義空音

孔改。又命大子樂官有焉各本予訛子疏同據漢書改。

簫管注如今賣飴錫所吹者刊本今訛令據注改。

典同掌六律六同之和注下疏并大師執同刊本并訛并今改。又其窳厚均者刊本厚均訛均厚據漢

書改 又一說崑崙之北谷名也。刊本名訛口。據漢書注改。

### 卷二十四

凡軍之夜三鑿皆鼓之注下疏。賓將擷注云。擷謂行夜。刊本訛作夜行。據左傳注經典釋文改。  
國祭蜡則歛豳頌注下疏。凡言頌者。頌美成功之事故。於七月風詩之中亦有雅頌也。案此段言頌不言雅。雅字疑衍。

掌三易之灋注。連山慮戲。刊本慮訛密。據注及經典釋文改。

其經運十其別九十注。運當爲輝。是眡稜所掌十輝也。刊本眡訛眠。據經疏改。  
以邦事作龜之八命注下疏。還卽席西面坐。刊本席字下衍。乃字據儀禮刪。

揚火以作龜致其墨注。致其墨者。熟灼之。熟字疑是薰字之訛。

旅亦如之喪亦如之疏。卽今大觜螭龜也。刊本螭作蠟。又山澤水火皆說龜生之處所也。刊本龜生訛生出。俱據爾雅注改。

### 卷二十五

乃舍萌于四方注下疏。芒而直出曰萌。案此係月令萌者。盡達注。此引作樂記區萌達注。誤。又月令注作芒而直曰萌。無出字。此誤衍。

四曰蔡注下疏。云蔡如日食以朱絲縈社者。刊本縈訛縈。據注改。

二曰命注。主爲其命也。刊本注訛王。據疏改。

六曰誅注。不愆遺一老。刊本愆訛愆。據經典釋文改。

七曰絕祭注。右取肺。據鄉飲酒禮作右手取肺。

言甸人讀禱注下疏。案甸師職云。刊本師訛人。據經改。

卷二十六

甸祝疏。當此貉祭之時。甸祝爲號。刊本甸訛田。據經改。

師甸注下疏。漬以美酒。塗置瓶中。百日則成矣。刊本瓶訛甄。據明聞人詮校本改。

作盟詛之載辭注下疏。宋寺人伊戾坎用牲加書爲世子。瘞僞與楚客盟。案左傳坎作飲。瘞下無僞字。係

鄭氏司盟注約左傳文。此訛衍。

若國大旱則帥巫無舞。雩注下疏。帥而舞旱暵之事。刊本事訛祀。據舞師職文改。

馮相掌十有二歲注。歲日月辰星宿之位。刊本辰字訛在星字下。據下注及疏改。

以辨四時之敍注下疏。夏至惟尺五寸景也。刊本夏至訛至夏。據大司徒職經注改。

以十有二氣之相注。十二歲而一周。刊本一訛小。據明聞人詮校本改。

卷二十七

樊纓十有再就注下疏。此樊纓十二就之屬。刊本此下衍中字。據文義刪。

金路注下疏。雖是異姓。得以乘金路。刊本得以訛庶姓。據文義改。

木路前樊鵠纓注下疏。而賈氏謂前纓有結。刊本謂訛爲。據明聞人詮校本改。

車僕掌平車之萃注。杜子春云。平車當爲駟車。其字當爲萃。書亦或爲萃。案此子春破故書平字。明當作萃。字義顯然。各本平訛萃。下二萃字俱訛萃。據文義改。

司常掌九旗之物。各有屬注。屬謂徽識也。大傳爲之徽號。案明聞人詮校本爲作謂。

孤卿建廬注下疏。卿合建廬。刊本廬訛旄。據經改。

皆畫其象焉注下疏。上言旌旗之文。此言旌旗之細者也。刊本旗訛旆。據注改。

都宗人注下疏。案史記伏羲以前。刊本脫記字。據明聞人詮校本增。

凡以神仕者注下疏。春秋文二年。大事於太廟。案此本春秋公羊傳及何休注文。刊本春秋訛左傳。今改。以冬至日致天神人鬼。刊本鬼訛彪。據明監本改。

卷二十八夏官

大國二軍注下疏。鄭答林頌爲三軍之大數者。以實言之也。刊本三軍訛二萬。據詩魯頌疏改。

凡制軍注下疏。多以軍爲名。謂征伐。刊本多訛軍。據上文云出兵而多以軍爲名改。

小子下士二人史一人徒八人注下疏。在此者。以其職有掌祭祀。刊本祭字上衍小字。據小子職刪。

都司馬注。都王子弟所封及三公采地也。刊本三公下衍衆字。據疏及毛本刪。又旣是軍故在此也。案

注云。司馬主其軍賦。此當作既是軍賦。故在此也。軍下脫賦字。家司馬注下疏。案載師職家邑任稍地。刊本案訛接。據毛本改。

卷二十九

暴內陵外則壇之注。壇讀從憚之。以威之。憚書亦或爲壇。案此係鄭司農引爲讀壇從憚之證。應作書亦或爲憚。音義憚。徒旦反。下同。明指此憚字。今據改。

挾日而斂之。音義挾。子協反。刊本挾字上衍始直吏反四字。案始字無直吏反之音。檢釋文作治象直吏反。蓋訛入天官治象之音。非始音也。今刪。

中春教振旅注下疏。是以書傳云。戰鬪不可空習。刊本云訛文。據尙書大傳略說改。辨鼓鐸鐃鐃之用注下疏。鄭引鼓人職者。刊本職訛執。據注改。

中夏教芟舍如振旅之陳注下疏。卽下注三者。案此指下注鄉遂之屬謂之名三事。各本下訛上。據注改。若師不功則厭而奉主車注。故秦伯之敗於殺也。疏秦師還至殺。刊本殺俱訛散。音義疏同。據經典釋文改。

喪祭奉詔馬牲注。蓋大遣奠也。刊本脫大字。據疏增。

卷三十

凡受馬於有司者。書其齒毛與其賈注。償以齒毛。刊本齒毛訛毛齒。據經及疏改。

若有馬訟則聽之注。謂賣買之言相負。案負字無解。疏亦不釋。釋文義疑是質字之訛。量市朝疏。云量市朝道巷門渠者。刊本脫門渠二字。據經增。

凡祭祀饗賓注。若燕禮獻賓薦脯醢是也。刊本禮訛行。據儀禮改。

國有故疏。謂使司險之下徒四十人之屬。刊本徒上衍胥字。據序司險刪。射則取矢注。鄭司農云。王射則射鳥氏。主取其矢。刊本王訛主。據毛本改。

### 卷三十一

大僕前注。前正王視朝之位。刊本正訛在王字下。據疏及監本。毛本改。

凡祭祀掌士之戒令疏。謂祭末旅酬無算爵之時。刊本末訛未。據特性饋食禮旅酬在祭畢時改。諸子掌國子之倅。音義倅。七內反。刊本七訛士。據監本。毛本及經典釋文改。

國之存遊倅注。下疏。已是未仕。刊本未下衍在字。今刪。

郊祀裘冕疏。依禮緯合文。嘉云。刊本文下。複衍一文字。今刪。

方相氏注。下疏。郊特牲云。鄉人禡。刊本禡訛難。據禮記郊特牲改。

王不眠朝注。春秋傳曰。公有疾。不視朔。刊本及監本朔俱訛朝。據毛本及春秋經傳改。又疏引之者。證不視朝。亦是有故不視之意也。案此指本文不視朝言。各本朝訛朔。據文義改。

### 卷三十二

朱紘注下疏。紘一條屬兩端于武者。刊本紘訛纁。據注改。

各以其等爲之注。謂纁旃玉璫。刊本脫謂字。據疏增。

夾弓庾弓音義。庾師儒相傳讀庚。本作或庾。案庾無庚音。且旣作庾弓。不得又言本或作庾。以考工記作  
之。 庾弓及經典釋文音庾考之。此經當亦作庾。音義當作師儒相傳讀庚。本或作庾也。因各本俱訛。姑仍

贊牛耳桃茆注下疏。殺牲取血。旁有不祥。案旁字疑防字之訛。

齊右注下疏。惟有齊右道右三者。案齊右上當有戎右二字。各本俱脫。

祭軌疏。并祭軌之軾前。案軌之軾前。當作軾前之軌。

卷三十三

飾幣馬注。薦馬纓三就疏。三就者。謂馬駮三成飾之。刊本飾訛舒。據大行人上公之禮節疏改。

圉師射則充楛質注。習射處。案此三字義似未了。蓋蒙上楛質所射者言。充此以共習射之處用。而語有

訛脫。又注下疏。斬莖則苦蓋之類也。刊本苦訛苦。據注改。

七閩音義。閩亡巾反。又亡干反。刊本干訛干。及應劭音近文。刊本劭訛邵。並據經典釋文改。

五戎六狄之人民注下疏。爾雅惟有其數耳。刊本惟訛雖。據毛本改。

竹箭注。箭篠也。刊本篠訛篠。據毛本及經典釋文改。音義疏並改。

其山鎮曰會稽注下疏。山陰縣名。刊本縣訛郡。據漢書地理志改。又太史公曰。刊本脫曰字。據史記增。

又穿墻深七尺。壇高三尺。刊本穿訛冢。又脫壇字。又周方三畝。刊本三字訛在周字之上。據史記

集解增改。又禹葬會稽。不煩人徒。刊本脫人字。又山上有禹井禹祠。相傳云。下有羣鳥耘田焉。刊

本脫祠相二字。下訛一耘。訛遊。據呂氏春秋。史記集解增改。又具區在五湖。在吳南者。吳縣名。刊本

吳下衍南字。縣訛郡。又南江在吳南。刊本在訛自。據漢書地理志刪改。

其山鎮曰岱山。其澤藪曰鉅野注下疏。博興鉅野皆縣名。刊本皆下衍郡字。據漢書地理志刪。

東北曰幽州。其山鎮曰醫無閭。其澤藪曰貊養疏。瑯琊有萊山。刊本瑯訛瑯。據漢書地理志改。

河南曰冀州。其山鎮曰霍山注下疏。在河東。堯縣東。刊本堯縣訛縣堯。據漢書地理志改。又漳水出上

黨沾大叟谷。案叟古要字。刊本訛作甞。據說文及水經注改。又汾陽歸德。皆縣名。刊本縣訛郡。據漢

書地理志改。

凡邦國注下疏。無附庸則爲閒田。使大夫治之。以利民稅。案利字疑是收字之誤。

以土地相宅而建邦國都鄙。刊本脫邦字。據明監本。聞人詮校本。及序官土方氏疏增。

匡人注下疏。書者。洪範皇極之章。刊本章訛事。據明監本。毛本改。

都司馬疏。若王家有軍事。刊本事訛士。據明監本。毛本改。

### 卷三十四 秋官

碧族氏音義碧音摘它歷反徐丈列反刊本文訛支據明監本及經典釋文改  
赤友氏音義友徐音跋刊本音訛昔據經典釋文改

上愿糾暴注愿慤愼也音義慤苦角反刊本苦訛若據毛本及經典釋文改  
小司寇擯音義擯必刃反刊本必訛兵據經典釋文改

凡命夫命婦注下疏曰子夏傳云大夫者其男子之爲大夫者也刊本上大字訛命據喪服子夏傳及明  
監本毛本改

二曰色聽注下疏體慤曰逡刊本逡訛悛據小爾雅改

一曰誓用之于軍旅二曰誥用之于會同注誓誥于書則甘誓湯誓大誥康誥之屬刊本脫湯誓二字據  
疏及明監本增又音義誥古報反刊本古訛戶據經典釋文改

掌士之八成注下疏依前比類決之刊本依訛以據明監本毛本改  
一曰邦約注邦約者刊本邦作國據經改

考證監本脫及春官籥章五字刊本及訛春據疏內所補改

卷三十五

若欲免之疏恐有濫行行字疑刑字之誤

三月而上獄訟于國注三月乃上要者案文義者字當在下句又變朝言國下

受其入征者疏。青丘之山其陽多玉。刊本丘訛乏。據山海經南山經改。

凡幾珥沈辜注。幾讀爲祓。祭山曰祓縣。刊本祓訛依。考爾雅作廢。案此係鄭司農引之以證讀幾爲祓之說。字當作祓。檢經典釋文亦作祓。蓋司農爾雅本與今所傳郭本異也。今據經典釋文改。但經典釋文祓旁支訛作支。又據廣韻改。

上罪梏拳而桎。音義梏苦毒反。刊本脫音義二字。今增。

掌戮掌斬殺賊謀而搏之。注下疏。刑五而已。刊本訛作大刑有五。據國語改。

又鉅以笮之。案此句俯侵

下。其次用鑽笮之義必有誤。檢國語韋昭注作斷截用鉅。此笮字疑作截。

又齊侯親鼓之。遂取龍。刊

本取訛滅。據左傳改。

凡殺其親者焚之。注下疏。棄如流宥之刑。刊本棄訛所。據注及周易改。

### 卷三十六

比國郊及野之道路。注下疏。此經所云主爲賓客在道。須得供承守衛之事。刊本主訛王。承訛丞。據文義改。

若有死于道路者。注有部界之吏。刊本部訛郡。各本俱訛。據玉海引此注改。

凡誓執鞭以趨于前且命之。注下疏。若且命以下。案此指經文且命之以下誓詞而言。刊本下訛上。據經改。

卷三十七

時會以發四方之禁注下疏。或一國或五國謀叛不順。五字當是二字之誤。

象胥注。此官正爲象者。周始有越裳重譯而來獻。是因通言語之官爲象胥。案此引尙書大傳交趾之南。有越裳國。以三象重九譯而獻白雉。以明通言語之官。所以取名南方象之故。刊本脫裳字。今增。

達天下之六節注下疏。知公之子弟亦有采地者。刊本弟訛孫。據注改。

合六幣注下疏。彼朝聘之圭璋。刊本璋訛特。據文義改。又見玉人職云。瑑琮八寸。刊本瑑訛璧。據考工

記改。

卷三十八

主君郊勞交擯三辭疏。三辭者。賓三辭。主君以禮來於外。刊本賓三辭三訛一。據經改。

及將幣疏。主君在大門內之東。刊本內訛外。據下云傳辭訖。主君乘車出大門。則此傳辭時當在門內。今改。又上相卽上擯上介。刊本上相訛相入。據文義改。又故此交擯亦得介紹而傳命也。刊本介紹

訛紹介。據注改。

致贈郊送皆如將幣之儀注下疏。致贈郊送亦然。刊本贈訛聘。據經改。

賓繼主君皆如主國之禮注。故曰皆如主國之禮。刊本主訛三。據毛本改。又注下疏云。其於衰公又當

三十。刊本於訛餘。據注改。

至於朝詔其位疏。周社亳社。刊本亳訛毫。今改。

卷三十九冬官

粵之無罇也。注下疏。矜卽前注攢。刊本攢訛攢。據上節注改。

知者創物注。無句作聲。刊本聲訛磬。據禮記明堂位注改。

搏埴之工。二搏字。各本及釋文俱作搏。釋文音團。音博。以聲義考之。音團者。手旁當作專。音博者。手旁當

作專。此注云搏之言柏也。取音聲相近爲訓。則讀博音从手旁專無疑。今改注音義疏並改。又音義

攪。讀爲刮者。刊本刮訛括。據注改。

攻木之工疏。注侏儒扶廬。矛矜是也。案國語無矛矜二字。

旣摩草色青白注。謂丸漆之。刊本丸訛凡。音義疏並訛。據明監本及經典釋文改。

侔以行山。則是擣以行石也。音義擣徒丸反。刊本丸訛凡。據字音改。

卷四十

國馬之駟疏。度人云。馬八尺以上爲龍。刊本度訛庾。據夏官改。

故登陲者倍任者也。注下疏。案方言。車紂自關而東。刊本車訛本。據方言改。

弧旌枉矢以象弧也疏。以衣韜其弓。謂之弓韜。月令帶以弓韜是也。刊本韜俱訛韜。據月令改。

段氏爲罇器注下疏。錢銚罇罇。刊本銚下衍錢字。罇下脫罇字。據毛詩疏刪增。

長內則折前短內則不疾注下疏。援四之八寸。刊本四訛曲。據上經改。

卷四十一

磬氏爲磬注下疏。案樂經云。磬前長三律二尺七寸。刊本脫經字。據三禮圖引樂經改。

謂之小蟲之屬。音義。蜈。息容反。刊本息訛思。據釋文改。又注下疏。蝮。蟻。刊本蝮訛蚊。據爾雅改。又

幽州人謂之春箕。刊本春訛春。又長角長股。刊本脫上長字。據毛詩及爾雅疏改增。

梓人爲飲器注下疏。爵制。今韓詩說至不滿豆矣。俱許慎五經異義文。故下云鄭駁之云。蓋引鄭駁異義也。此爵制上脫異義二字。

四阿重屋注。四阿。若今四注屋。案四注。四面有霤也。刊本及監本。毛本。注俱訛柱。據儀禮士冠禮疏引此注改。疏並改。

卷四十二

九夫爲井疏。其澮廣二尋。深二仞。刊本仞訛刃。據經改。又小爾雅。四尺曰仞。刊本脫小字。據小爾雅增。

又二謂十二而稅。刊本二訛三。據論語注改。

凡昵之類不能方注。脂膏臚敗之臚。刊本臚敗訛敗臚。據注改。

覆之而角至謂之句弓。音義。句。九具反。沈音鉤。刊本音訛皆。據經典釋文改。

# 周官新義 王安石撰

## 卷一天官一

體國經野、設官分職、以爲民極義。宮門城闈堂室之類、高下廣狹之制、凡在國者、莫不有體。此之謂體國。案鄭康成注云、體猶分也。賈公彥疏云、分國城之中爲九經九緯、左祖右社之屬。今云宮門城闈之類、莫不有體、終不如注疏之說爲長。又極之字、從木、從亟、木之極者、屋極是也。案安石集、字說序云、聲之抑揚、開塞、合散、出入、形之衡、從曲、直、邪、正、上下、內外、左右、皆有自然之義、非私智所能爲。余讀說文、時有所悟、因作字說、以所推經義附之、則極字從木從亟云云、其初本用以解經、其後乃彙爲字說也。以八法治官府義、六官聯事、則有故常。案鄭注、官常謂各領其官之常職、非連事通職所共。今云六官聯事、則有故常、則官常與官聯無分。

正月之吉、義朔月謂之吉、則明生之幾、故也。案明生之義、蓋取易大傳、幾者動之微、吉之先見之義、但以解朔月謂吉之義、似涉附會。

## 卷二天官二

以官府之六屬舉邦治義、蓋治所不能及、然後教。案此似用老子先道而後德之義、非經之本旨。以聽官府之六計、弊羣吏之治義、治亂謂之亂、治擾謂之擾、則治弊謂之弊矣。案弊、鄭注云、斷也。今日治

弊謂之弊與鄭說異。

治其施舍義施惠焉謂之施舍政役焉謂之舍案施舍鄭注云不給役者今云施惠焉謂之施則施別爲一事與鄭說異。

循以木鐸義有令焉必循鐸奮之者蓋將以禁人則宜使之皆知不使之不知也原本不使訛皆使今改。

卷三天官三

宮正以時比宮中之官府次舍之衆寡爲之版以待義使居其處待所爲也原本脫居字今據注疏補卒食以樂徹于造義造至也致食于是然後進而御王及其卒也徹于所致而置焉案鄭注云造作也又引鄭司農云謂食之故所居處也安石用司農說故云致食于是然後進而御王卽內則所謂天子之閣左達五右達五也疏謂二鄭義同非是。

王齊日三舉義然此特祭祀之齊尙未及夫心齊也案心齊之義本莊子但莊子以不飲酒不茹葷爲祭祀之齊與周官齊日三舉之齊義各不同安石蓋借用。

大喪則不舉義王以能承順天地和理神人使無災害變故故宜享備味原本味訛位今改。

卷四天官四

獸醫義人言死終獸言死則以物之所以死有不可察故也原本作有以物之所以死不可察今據文義改。

卷五天官五

大府義受藏之府。則若職內掌邦之賦入者是也。受用之府。則若職歲掌邦之賦出者是也。案安石集乞改三經義誤字劄子云。受藏之府。則若職內掌邦之賦入是也。受用之府。則若職歲掌邦之賦出是也。以上三十字。今欲刪去。題注下云。元豐三年八月二十八日奉聖旨。宜令國子監依所奏照會改正。而永樂大典仍係未改之本。入字出字下又多二者字。

玉府主齊則共食玉義。北齊李預常得食法。采而食之。及其死也。形不壞而無穢氣。案食玉。鄭司農云。當食玉屑。不過少許。以助精明之養。此乃引北齊李預事。則後世服食之法。似失經旨。

卿大夫則共麋侯義。卿大夫以養人爲事。養人則以除患害爲先故也。案王與之周禮訂義引安石說作卿大夫之德則能養人而已。不能除患。不足以養人。與永樂大典不同。而義皆可通。訂義或別有據。今仍原本。

卷六地官一

乃經土地而井牧其田野義。至于興兵之際。乃八陣圖之法。案地官解義原本闕。間見于王氏訂義。今以校補此條。語意似未完。或由訂義節錄。今無別本可校。姑仍其舊。

黨正各掌其黨之政令。案安石集乞改三經義誤字劄子云。黨正歲屬其民者四。四當作五。今地官原本闕。附訂於此。

卷七地官二

國凶荒札喪。則市無征而作布。案安石集與人書云。孟子所謂市廛而不征。法而不廛者。先儒以國中之地謂之廛。以周官考之。此說是也。蓋制商賈者。惡其盛。盛則人去本者衆。又惡其衰。衰則貨不通。故制法以權之。稍盛則廛而不征。已衰則法而不廛。文王之時。關市譏而不征。周公制禮。則凶荒札喪然後無征。蓋所以權之也。此可補原本地官之闕。

泉府掌以市之征布。斂市之不售。貨之滯於民用者。案楊時辨神宗日錄云。周官泉府之法。所以通貨賄也。若果子非有不售而滯於民用者。而官斂之。此與賤丈夫之罔市利何異。安石乃以爲周公制法如此。細大並舉。乃爲政體。不亦謬乎。又凡民之貨者。與其有司辨而受之。以國服爲之息。案安石與友人論青苗云。一部周禮。理財居其半。必貸之而後可以待其饑不足。此誤解周禮以禍宋之由也。歷代諸儒皆力辯之。今地官原本闕。其說不可考矣。

五家爲鄰。義比相保。則鄰亦相保。閭相受。則里亦相受。族相葬。則鄰亦相葬矣。案相保。相受。相葬。相救。相賙。見于大司徒之治鄉。遂人初無明文。安石蓋同大司徒之職。推之而意其然耳。

以興勸利。毗義。孟子曰。惟助爲有公田。許慎釋勸。以殷人七十而助。則助勸一也。案鄭注云。杜子春讀勸爲助。安石引說文釋興勸。蓋勸助古今字。

里宰掌比其邑之衆寡。案楊時集辨神宗日錄云。周官平頒其興積。新義曰。無問其欲否。概予之也。故謂之平。今地官原本闕。據王氏訂義補不載此二句。

以禋祀祀昊天上帝義。禋者意之精也。無事于氣矣。案鄭注。禋之言煙。周人尙臭。煙氣之臭聞者。疏云。尙書洛誥。予以秬鬯二卣。明禋。注云。禋。芬芳之祭。又周語云。精意以享。謂之禋。則精意仍藉煙氣之芬芳以達。今云意之精者。無事于氣。似不如注疏之周密。

秋見曰覲。冬見曰遇。義。秋非萬物相見之時。于是見焉。可謂勤矣。故秋見曰覲。案鄭注云。覲之言勤也。欲其勤王之事。此云非相見之時。故曰覲。蓋從秋字生解而義反疏。又莫爲之宗。亦莫之宗。其見也。若邂逅然。故曰遇。案此又因夏見曰宗而附會之。亦非本意。

卷九春官二

司尊彝。義。朝獻。卽朝踐也。以籩豆言之。則曰踐。以爵言之。則曰獻。相備也。案鄭注云。變朝踐爲朝獻者。尊相因也。王義似較注說爲直截。

王晉大圭。執鎮圭。義。故書珍爲鎮。當從故書以鎮爲正。案鄭注。故書鎮作瑱。瑱讀爲鎮。此云珍爲鎮。與今注本不同。或別有所據。今仍原本。又駟圭。璋璧琮琥璜之渠眉。疏。璧琮以斂尸義。六物皆爲渠眉。璧琮文疏焉。左右手足腹背各以其物會而斂也。案安石集。乞改三經義。誤字。劄子云。典瑞手足腹背。手當作首。今永樂大典仍係未改本。作手字。

凡祭墓爲尸義。山林之尸。則以山虞。案安石集。乞改三經義。誤字。劄子云。家人山林之尸。則以山虞。以上

八字今欲刪去。永樂大典仍係未改本。存此八字。

卷十春官三

大司樂掌成均之法義。教學之道。成其虧。均其過。不及而已。謂之成均。義蓋取此案成均者。成卽樂之一成。書云。簫韶九成是也。均。古韻字。鄭司農云。均。調也。樂師主調其音。國語曰。律所以立。均出度是也。此云成其虧。均其過。不及。殊乖古訓。

籥章義。豳雅豳頌謂之雅頌。則非七月之詩。蓋若九夏亡之矣。案豳雅、豳頌、先儒分七月之詩以當之。朱子疑卽雅之甫田、大田、頌之載芟、良耜。今以爲其詩已亡。以諸經參考之。當從朱子說爲是。

卷十一春官四

大祝掌六祝之辭。以事鬼神。示祈福祥。求永貞義。年祝。所謂逆時雨。寧風旱。瑞祝。則若金縢。植璧秉圭。案鄭注。年祝。求永貞也。瑞祝。逆時雨。寧風旱也。疏云。祈永貞是命年之事。逆時雨。寧風旱二者。似若天之應瑞。故謂之瑞。據此。仍當以注說爲正。

辨九祭義。唯衍炮繚祭無所經見。案鄭注。衍。當爲延。炮。當爲包。聲之誤也。延祭者。曲禮曰。主人延客祭是也。包。猶兼也。兼祭者。有司徹曰。尸受兼祭于豆。祭是也。此云衍炮之祭無所經見。當以康成說有改字之嫌。故不從之歟。

辨九擗以享。右祭祀義。享尊在己上者。右尊在己右者。案享右祭祀注云。享。獻也。謂朝獻饋獻。右。讀爲侑。

侑勸尸食而拜。王氏當嫌康成改字，故不從之。然于祭禮反無所據，不如仍從康成之說。保章氏掌天星義，掌天星者，掌天與星也。案天之行及日月之行度，非星無以見，故曰掌天星以志日月星辰之變動，釋經意似不當分言。

卷十二夏官一

凡宰祭與鬱人受罍歷而皆飲之義，受罍傳之他器而皆飲之也。案歷字，疏謂鬱入與量人歷皆飲之也。考之少牢饋食，有司徹諸禮，亦無傳之他器之文。王氏不知何據。又夏官永樂大典原闕，今據王氏訂義校補。

卷十三夏官二

御僕掌羣吏之逆及庶民之復義，庶民之復，大司寇所謂遠近惇獨老幼之欲有復于上者。案安石集乞改三經義誤字劄子云，御僕掌萬民之復，復當作逆。今原本闕夏官，此據王氏訂義補錄，無此六字。然考經文仍當作復，不當作逆。

祭軌乃飲，案安石乞改三經義誤字劄子云，大馭有軌也，軌當作軌。今原本闕夏官，然考鄭注故書軌爲軌。杜子春云，軌當作軹，車前軹也，則仍當作軌，不當作軌。

卷十四秋官一

以圖土聚教罷民義，亦不可以一年而足，故不齒三年。原本脫上年字，今據經文增。

以嘉石平罷民義。嘉合禮之善也。案嘉石。鄭注爲文石也。王氏說似非本意。以肺石達窮民義。肺之情憂其竅爲鼻。案鄭注。肺石。赤石也。王氏之說亦非本意。

卷十五 秋官二

異其死刑之罪而要之義。死刑之罪定而又要之。若今責伏辨矣。案伏辨疑是宋時文書中語。鄭注云。若今劾矣。劾亦漢法也。

左九棘面三槐義。棘之爲木也。其華白。義行之發也。其實赤。事功之就也。槐之爲木也。其華黃。中德之暢也。其實玄。至道之復也。案此義涉乎鑿。

秋繩而芟之義。夷而又生。生而芟之也。鄭氏謂含實曰繩。蓋以繩爲臚。案鄭注含實曰繩。釋文云。繩音孕。臚。古孕字。王氏夷而又生云。蓋不從鄭說。

卷十六 秋官三

以九儀辨諸侯之命義。三公八命。出封加一命。則謂之上公。案安石集乞改三經義誤字劄子云。大行人三公八命。出封加一命。則謂之上公。已上十四字。今欲刪去。永樂大典仍係未改本。

詔王儀南鄉見諸侯義。鄭氏謂土揖下手揖之。案下。原本訛不。據鄭注土揖推手小下之也。今改。

附卷上 考工記一

考工記。案安石新義止解五官。不及考工記。其見於永樂大典者。乃鄭宗顏綴緝字說以附於考工記。故

其解多係字義。而經義則未之及。

天有時。地有氣。義氣。或又從米。米食氣也。夫米殘生傷性。是此近道家之說。蓋道家尙服氣辟穀。故也不宜用以解經。

人長八尺。登下以爲節。義度土高深。用切。人以度之。刃以志之。考工記曰。人長八尺。登下以爲節。案此條解切字。而引考工記云。顯係字說原文。初非考工記解。

卷下考工記二

梓人爲筍簾。義柎木爲之中空焉。空聲之所生。原本空訛控。今改。車人爲車。案王氏原無考工記解。鄭宗顏不過摘取字說之。及于考工者。故車人以下多無解。

著者 (清)王太岳等撰 書碼 082·47  
 Author Call No. 7437  
 書名 四庫全書考證：(三) 3  
 Title

登錄號碼 007473  
 Accession No.

月 日 Date	借 閱 者 Borrower's Name	月 日 Date	借 閱 者 Borrower's Name

國立中央圖書館

082·47

007473

7437

書碼

3

登錄號碼

國立中央圖書館



0007473



47

籍